

KULIKA KU EZEZA

MULIMU SEBELEZO ISI

KA TATO YA MULIMU

 Halu yemeñi ona cwalo cwale fa nako nyana halunze luba ni tapelo. Halu inamiseñi litoho za luna.

Mulena, lu tabile kakusasana cwana fa ku kuta mwa ndu ya Mulimu, mwa sebelezo yeñwi. Mi lwa lapela, Mulimu, kuli U lu sikulule kakusasana cwana kwa mafosisa a luna kamukana. Lu bonise nzila yona Yo tomile kuli lu zamaye. Mi ulufe kwa muhau wa Hao ni lilato, kuli lu latelele linzila zani ni litaelo ka lipilu za luna kaufela, kuli lu fumanehe, zazi lani, ku Kreste, baba sina mulatu, kakuli lwa lumela, Mulena, kuli ku bonahala kwa Hae ku sutelezi.

² Lwa bona lisupo kaufela za Na bulezi kuli li ka nga sibaka bukaufi fela ni Kutaha kwa Hae, cwale li talelelizwe. Mi ka tabo lu libelezi nako yani. Sina Abrahama wa kale mwa na libelezi mwana wa sepiso yani, ni kubona lisupo za mafelelezo za Mulimu zani ha li taha mwa lifasi, mi ki ha sa ziba kuli ne ku sike kuliyeha kufitela mwana ha na ka taha. Mi cwale lwa libona ha li kutakela hape. Jesu na lu bulelezi kuli, “Lika ze ha li ka kala ku ezahala,” lu inule litoho za luna, kakuli kuliululwa kwa—kwa luna ku sutelezi, “ze komokisa za nako, lindwa mwahala linaha, lizikinyeho mwa libaka ze shutana, liwate ku yuboka, lipilu za batu za kalelwa ka sabo yetuna.”

³ Cwale lu lemuha kuli lu mwa hola yani, kanti linaha ha li zibi sa kueza. Ndwa yeñwi ya taha, mo ku bonahalela. Ki taba kwa ku sabisa yani mo ikabela! Lifasi la ikaba fahali, ba sayansi ba bulela kuli sesiñwi se si sabisa si sutelezi. Lu bona Bibele ha i bulela ka sona. Mi, Mulena, lutuse kacenu kuli lu yeme mwa ndu ye ya sikuluho, mi lunge litaelo ku Mulimu wa luna, kuli lu ye kwa pata mwahala hola ye lififi ye, ni ku monyeha Liseli, kakuli ikona kuba kolo ya luna ya mafelelezo ya kueza cwalo. Kakuli lwa kupa se ka Libizo la Jesu ni ka bakala Hae. Amen.

Ha muine.

⁴ Na kaniti ni talima ye kuli ki tohonolo yetuna, ya kuba mo mwa tabernakele kakusasana cwana. Mi mu lu swalele kuli haluna sibaka sa kuina, mwahali mo, sa mina. Mi sibaka si tezi ni kwande, mi ba yemi kai ni kai fande.

Mina sicaba baba yemi cwale, mwa kona ku teezeza se fa silimba sa mina. Ni libezi...[Yomuñwi uli, “Fifite-faifi kuisa

fa fifite-sebene.”—Mu.] Fifite-faifi kuisa fa fifite-sebene. Mina sicaba fande, ni kafo mo ku yemi limota, ni mwa mikwakwa, mwakona ku teezea fa silimba sa mina, mwahala sibaka sa mukubu wa silimba, fa mpwito ya fifite-faifi kuisa fa fifite-sebene. Kacwalo lu likile . . .

5 Ne ni taha hani kuta, nitaluse, kutaha kwanu, ili kulika kuba ni mukopano mwendi wa mazazi a lishumi, ku to ambola fa tuto yeli *Manaka A Supa A Mafelelezo*. Kakuli, mwahala Manaka ani kuna ni Litolombita. Mi Ne ni mi bulelela mwa . . . hane Ni ka kutaza fa Litolombita Zesupa, kuli Ni ka litisa hamoho ni Manaka ni Likoto. Mi Na hupula kuli ne ikaba nako yende. Kona Ni sa zo kuta fela kuzwa kwa Africa, mi—mi bana ne ba si kaba ni pumulo ya bona.

Mushimanzi wa ka yomunyinyani, Joseph, na—na naile fa nako nyana . . . utokwa lisunda nyana za kubala lituto za hae ka tokomelo. Na pasize, hande luli, kono na si ka fita fa mubano. Kacwalo ne lu mu bulukile kwa Tucson, kacwalo, hane Ni li mwa Africa, kuli azwelepili ni lituto za hae kuli a zibisise, ka zazi leliñwi kwa sikolo.

Mi cwale lu kutile. Mi Na hupula kuli, mwa nako banana hane ba na ni pumulo ya bona, Ni be ni mukopano nyana ni sicaba kwanu, ni ku kutaza lituto ze. Kono hane lu tilo fita kwanu, ne lu fumanzi kuli ne lu palezwi kunga muyaho wa sikolo.

6 Mi Ne ni ziba kuli tabernakele ne si yetuna kuli sicaba si kwane, ni kuba eza kuikutwa ku lukuluha mo ba lukela kubela ha ba nze ba . . . hani Na ni Liñusa le, kabakaleo ne luna ni ku—ku panga licinceho ze shutana. Mi mwa sibaka sa kuba ni—ni masihu a lishumi ene lu lela kuba ni ona, kihande, Ne ni ezize fela lisebelezo zepeli la Sunda; Sunda ye, ni Sunda ye taha, ni Sunda ye tatama, lisebelezo zepeli. Kacwalo, mi ne lu si ka li zibahalisa.

Mi, cwale, haiba kuna ni yana utwile kuli mikopano ika kala la twenty-eiti, mwa muyaho wa sikolo, haiba Mulimu a lumeleza, kihande, haiba muna ni balikani mi muna ni malobalo mwa mahotela, Ni—Ni—ka yemisa taba yani, mwabona, kakuli sani—sani baka, ha lu koni ku fumana tukuluho ya kuba ni zona. Haba koni kunga—kunga miyaho ya sikolo.

7 Mi cwale Ni bata ku bulela, ka lisebelezo za bulumiwa cwalo kakusasana la Sunda. Mi la Sunda busihu Ni bata ku ba ni ku lapelela bakuli. Mi lu sepa kuli Mulimu uka kopana ni mina sicaba baba kula. Hani zibi mo Billy aka mi tuseza; Na sepa, ka kufa makadi a litapelo, kamba zeñwi cwalo, linzila za ku tusa kopano. Kono lu ka eza kaufela ze lu kona kuli lu lapelele mutu ni mutu mwa libiki zetaalu ze taha zeo lu bata kuba ni lisebelezo, haiba ki tato ya Mulena.

8 Mi cwale linako zeñata kuna ni lipuzo za ku talimana ni batu, mutu ubata ku mi bona ka taba yeñwi kamba yeñwi ye cwalo. Mi

lu ka ba ni ku... Ki ba bakai mo baba bata kuba ni ngambolo ya ku talimana ni bona, halu boneñi mazoho amina. Mapwii! Ki mañi ya sa lati? Kacwalo he lu ka...

⁹ Ku ka ba tata nyana fa kuba ni bona, kacwalo muñole likupo za mina mi mu li lume, mu li tambeke Billy, mi Ni ka linga kuzwa kwani. Mi, cwale, uka zibahaza ka za, Na sepa, makadi a litapelo, nako kaufela yeo aka fiwa.

¹⁰ Ki ba bakai mizwale bakutazi ba hesu baba liteni mo kakusasana cwana? Halu si ka ba ni kolo ya ku, Hani hupuli ba... Kikuli mu lemuhile yomuñwi wa bona? Ki ba bakai bakutazi babali mo kakusasana cwana, mu nanule fela mazoho a mina? Kamba, mu yeme. Halu boneñi bakutazi baba inzi mwa kopano mo kakusasana wo. Kihande, ku lukile! Lu itumela ku Mulena ka baana baa. Kambe ne lukaba ni nako ya ku lemuha mañi ni mañi wa bona, kono Na sepa mwa ba bona. Mi lwa... Mulimu wa ba ziba mwa sebelezo ya bona, mi lu lapela kuli Mulimu uka ba fuyola ka kutala. Mi, hakuna ku kakanya, buñata bwa bona ba kwalile lisebelezo za bona, kuli babe kwanu. Muzwale Junior Jackson ni, Na sepa, Muzwale Don Ruddell, tukiso ya fa moya ye ya fita mwa likeleke za bona. Mi cwale, hape, kwa New York ni libaka zeñwi mwahala naha, se ki ka telefoni ya kwa mukunda ni kukena mwa keleke yeñwi ni yeñwi kakusasana cwana.

¹¹ Ni tabile ku bona Muzwale Richard Blair yainzi fani. Ne ni balile liñolo ka nto yetuna yeo Mulimu na ezize mwahala sicaba kwani. Zazi leliñwi, sina ha Ni utwisisa... Mwendi Na kona ku fosa, Muzwale Blair; haiba Ni eza cwalo, u ni sikulule. Na sweli ku beleka, inza tusa muuna yomuñwi kutama koloi kamba nto yeñwi, Na sepa neli yona. Ne ni balile liñolo. Mi se ba kutisa sesiñwi mwa mulaho, mi, kono he, ne i tilo kena mwa buliba bwa mezi mone ku inzi mushimani yomunyinyani, yomuñwi... neli—neli yena muuna ya nali muña koloi yani, mushimani yomunyinyani wa hae, mushimani nyana fela, mi ya bulaya mushimani yani. Mi mba ya hae ne iluluhile. Lwa ziba kucisiwa ki malaiti, sani kikuli, ha ba shwa, sani kona se si ezahalanga. Meto amanyinyani ani ali ku lutuka; meno ali ku luma ñaña hamoho.

¹² Ne li sabisize mizwale hahulu maswe. Muzwale Blair na bulezi kuli na ka ni swala kokuñwi, kuli ni lapele, kono a hupula kuli ne ku izwe kuli, "Kaufela ko ku kopani bababeli kamba babalalu ka Libizo la Ka, mwahala bona Ni teni." Mi ndatahe alika ku buha litalo la minwana ya hae ka kulika ku kenya minwana ya hae mwa mulomo wa mushimani, kuli a u atamise. Mi ba kubamafafasi ni kukala ku lapelela mushimani, mi a kutela mwa bupilo hape.

¹³ Kana ki niti yeo, Muzwale Blair? Alimuñwi wa mizwale ya luna ye ishuwile kwanu. Oh, mushimani yomunyinyani yani

uteni mo. Kihande, ku lumbwe Mulena. Sani ki sesinde. Lu bata kuli u yeme, mwana ka wa mucaha. Cwale, lwa itumela ku Mulena yomunde ka se. Yani ki yena ndatahe mushimani? Kana ki wena ndata he? Yani ki niti. Mi ki yo fa Muzwale Richard Blair. Mulimu wa luna wa kona kueza sika kaufela. Eeni, sha. Na sepisize cwalo. Lu pila mwa Kubateni kwa Bumulimu bo butuna, bwa kanya, ya Ndate wa Lihalimu. Mi lika kaufela ze lu . . . haiba lu kona fela ku li lumela.

¹⁴ Mwabona sani ze si eza, sene si tusize bupilo bwa muuna yani ka ku lumela sani? Ku pilisa mushimani wa hae yomunyinyani. Cwale, Mulimu nana ni batanga ba hae baba ishuwile kwani, ku . . . Muzwale Blair ni bona, kuli ba lapelele mushimani yomunyinyani yani fani hanali mwa buino bwani. Eeni, mi lika kaufela ha li ezahala, muhupule, mu bana ba Mulimu ya pila.

“Kaufela ko ku kopani ba babeli kamba babañata mwa Libizo la Ka, Ni teni mwahala bona.” Mi hape ku ñozwi kuli, “Yena ki tuso ye fumaneha mwa nako ya butata.” Mi haiba nji ku kile kwaba butata, yani neli mushimani yana lobezi kwani, inza shwile, mwa mubu, ka kucisiwa ki malaiti ana keni ku yena. Kacwalo lwa itumela ku Mulimu kakusasana cwana, ka lipilu za luna kaufela, ka ze, ka lika ze za Lu ezelize.

¹⁵ Mulimu afuyole baana baba searahala ba, hamoho. Mwa nako ya ñalelwa yani kona nako ya kutalima ku Mulimu. Mi mu talime ku Yena, ni kuba mwa bulikani ni Yena ñalelwa isika fita kale. Lwa ziba seo. Haiba luba ni muhau ni Mulimu, lwa kona ku Mu kupa sika kaufela, sina mo ne mu ka ezeza ku mulikani kaufela, mi Yena ki tuso ye liteñi mwa nako ya butata.

¹⁶ Ne ni katani fela mwa mukwakwa, maabani, kezela Muzwale John Martin. Ne ni . . . Yomuñwi na ni yemisize mwa mukwakwa, mi yomuñwi a fitelela a nyanganyisa lizoho la hae. Inze ni kuta kwa hae, mwa ziba, mu bona batu kai ni kai, ha ba yema ni kuitumelisa mwa mazoho, ni zeñwi cwalo. Mi kalibe yo, Na hupula ne ba ni bizize cwanoñu nyana fa, ko yomuñwi na mu punkile kwa mukokoto, mwa mota, ku loba moongola wa hae ni fahalimu nifafasi. Na batile kutokwa mata mwa bupilo bwa hae kaufela kuzwa fani. Utensi mwa mukopano kakusasana cwana, inza ikola Kubateni kwa Mulimu. Ne ni sweli fela ku ambola ni yena mwa muzuzu. Ni bata ku lapela ni yena, hape. Mi nali . . . Utensi mo kokuñwi. Ni sepa kuli upalezwi ku kutela mwahali.

Kono, kwanu, luli, uinzi mwahala luna ona mo. Yani ki niti. Kana wa kona kuyema fa muzuzu fela, kezeli, kuli batu ba kone ku . . . Ki yo fa kalibe yo mualafi na bulezi, ka mazazi a likani a felile, kuli hana ku zamaya fateni hape, moongola ono lobehile ni lika kaufela, kuzwa kwa sinyeho—sinyeho. Mi ki yani fani u yemi, ufolile.

Mwa ziba, Bibele i bulezi kuli, “Mi hakuna se ne ba ka bulela ka ku nyaza, kakuli muuna yani na yemi mwahala bona.” Yani ki

niti. Ki yo fa mushimani yomunyinyani yana zusizwe kwa bafu, mi ki yo fa musali ni moongola ono lobehile, inza yemi mwahala luna. Li ezizwe fela, kacwalo ki Ya swana maabani, kacenu, ni kuyakuile. Ku fuyolwe Libizo la Mulena! Mo lu lukela kubela baba tabile ka kupila cwale fapila Kubateni kwa Hae, ni kuziba kuli Yena ki yena tuso ye liteni mwa nako ya butata.

Ki tabo fa kubona Muzwale Vayle, Muzwale Martin, ki babañata hahulu kakusasana cwana. Mulena ami fuyole mizwale, hahulu. Cwale ki . . .

¹⁷ Na ziba kuli ha ku bati hahulu mwahali mo, ni sicaba se kaufela, kono niteni, hane Ni zwile kwa Tucson zazi leliñwi, neli bukaufi ni handeleti ni foo kamba faifi. Mi bukaufi ni mwahala busihu, neli nainte-sili, mi kacwalo mo ku utwahala hande luli ku na. Mi kwa Parker ne ba bulezi kuli neli handeleti ni fote, la Bufaifi lu si ka nanuha kale. Mi mwa kona ku nahana kucisa kwateni. Kakuli, mwani ki mwa lihalupa.

¹⁸ Mi, cwale, Lisunda zetaalu ze tatama ze. Kacenu, la fifitini, Na lumela, ki niti yeo, kamba sikisitini; fifitini, nji cwani? Eitini, ni la twenty-eiti, ni la wani Muyana, (ki niti yeo nji?) Muyana. La twenty-faifi . . . La eitini, twenty-faifi, ni la pili, ku kaba lisebelezo kwa tabernakele. Musike, mwa ziba, mwa ikungela zeñata za zona, kakuli, mwa bona, ha lu koni kunga ze liteni mwahali, ze liteni mo cwale, mwahali, mwa ziba, mi kipeto za ba fela bumaswe. Mukute fela haiba mu kona.

¹⁹ Mi cwale Ni tile kwanu ku to kopanya basepahali hamoho. Ni mutu ya sa bilaeli ka za ku ni hanela kuba mukopano mwa sibaka, ha Ni ikutwa ku etelelwu ku eza sani. Kacwalo Na sepa Ni ka kupa haiba halu koni kunga tende ya luna ni—ni ku i bapula, ni kuina fela ona kwani, mwa ziba. Kuzwela kwani mwa libapalelo la mbola, kamba kwande mwa litema, ni ku ishimbulula kuzwa mwa sibaka ni sibaka, kuya fela Mulena mwa ka etelela. Mi Ni ikutwa kuli sani kona Sa ka eza. Mwa ziba, kuna ni pono kuama sani. Mi Ni hupula kuli lani kona libaka se ha si ezahala . . . Cwale, mwa ziba, buñata bwa nako lu nahana kuli ku maswe kakuli lika zeñwi za ezahala, kono, mwa ziba, yani ikona kuba Mulimu, mwabona, ya mi kenya mwa lika ze. Fani, Ha bulezi, Uka si eza.

²⁰ Masihu nyana a felile, buñata bwa mina, bukaufi fela ni kweli cwalo ni si ka ya kale kwa Africa, buñata bwa mina mwendi mu na ni tepu ya seo, ku mina sicaba mu amuhelanga matepu, ka za, *Kuketa Munyaliwa*, lene li kutalizwe mwa California. Mizuzu ya mafelelezo ye likani ya tepu yani, Na hani hupuli ka za kuba kwani. Kono Moya wa Mulena no tile mwa mukwa o cwalo. Ne ni ba nyaza ka mo ne ba pilela, mi kasamulaho Evangelii fela ku kutazwa ni ku patalazwa fapila bona hahulu. Mi, haníhañi fela, Moya o Kenile ne ubulezi cwana kuli, “Karpenauma,” mwabona, “munzi o ipiza ka libizo

la mangeloi,” yani ki Los Angeles, “wena ya ipahamisa mwa Lihalimu, kono uka tibiswa mwa lihele.” Mwabona? Mi cwale hane li felile, kupalañi, Ne ni zwezi fande, mi Muzwale Mosley ni Billy nebali ni na. Mi se bali... Se ba ya kwa mulaho ku yo talima, mi sibaka kaufela ne si tezi fela batu, bakutazi banze ba cipita miyoko.

²¹ Mi ki ha Ni ya ku yonga nga Liñolo. Se nili, “Kuna ni sesiñwi se si cwalo mwa Bibele.”

Mi neli Jesu ya na omanya Karpenauma, minzi yani kaufela yeneli bukaufi ni likamba kwa Na potezi. Kiñi, Na ize, “Karpenauma, wena ya ipahamisa mwa Lihalimu, uka wisezwa mwa lihele.” Ki hali, “Kakuli kambe misebezi ye ne ika ezwa mwa Sodoma ni Gomora yona ye ezizwe ku wena, ne ika yema ni kaceku le.” Mi ka nako yani, Sodoma ni Gomora ne ili mwatasa liwate.

Mi kasamulaho fela wa fani, mwendi myaha ye mwanda kamba yeñwi cwalo, mwa mulaho wa sipolofita sa Jesu, Karpenauma, ona munzi wa fa kaufi ni likamba wa Na potezi, zikinyeho ya lifasi ya u tibisa mwa liwate. Mi mwa ziba kuli yani neli kalabo ye ne talusa kwa California, kwa Los Angeles.

²² Mi cwale mwa Tucson ka zazi leliñwi, ona ha ne Ni sa zo kuta fela, zikinyeho yetuna ya lifasi ya ezahala kwani. Mi baituti ba sayansi ne bali fa televishini inge ba i swanisa. Ne ili mwa mitende. Kuli, lifasi, ka zazi leliñwi, ku pazuha ku kalela kwa soli sa Aleutian Islands, kamba kuzwa kwa Alaska, mwahala libaka za Aleutian Islands, kukena ka limaili ze mianda ye mibeli mwa liwate, ku kuta mwa San Diego, ku kena mwahala Los Angeles, ni ku zwela kwa San Diego. Mi lipazuzi libaka zeñata nyana. Mandu a bulumukile. Lihotela li tibile.

Mi baituti ba sayansi kwa sikuwata se neba—neba buzizwe. Kuli, “Kihande, sani sa kona kuwa zazi leliñwi nji cwani?”

²³ Bali, “Ku kona? Si ka wa!” Mi a itusisa mabizo a sayansi ka za ku panca kwani... Sani kona se si tisize ona lizikinyeho za lifasi ze nako ye kamukana, mwahala San Diego ni kwatasi kwani. Kubile sibaka sa mukoti tuna wani. Cwale zani kaufela likalile ku wela mwahali, inge mushabati o bulumukela mwahali, mi cwale seli fela licwe la mwa mubu. Mi li nyanganyisizwe li tepetile, ka mainci amañata nyana. Ne ba konile kunga masupeza nzila ni zeñwi cwalo, ni ku latelela mwandala wani, ni ku uñola. Ni boni ko ne ufumaneha.

Mi ne li tepetile, ka mainci a mañata nyana luli, mwendi ki mainci amabeli kamba amalalu ka zazi leliñwi, hape, ona kasamulaho fela sipolofita sani si fiwa.

Mi yana sweli ku buzaka baituti ba sayansi lipuzo, ali, “Kihande, sani ha sina kuba mwa lusika lwa luna.”

²⁴ Ki hali, “Sa kona kuba mwa mizuzu ye ketalizoho kamba myaha ye ketalizoho; kono li ka wela mwahali.”

²⁵ Musala bo Simpson, Hani sepi kuli uinzi ni luna kacenu. Kamba, Ni bona Muzwale Fred yainzi fani, kono ha Ni zibi ko kuinezi musala Bo Simpson. Na ilo nga sipolofita sene Ni bulezi, mwendi ka 1935 kamba sesiñwi se si cwalo, mi neku izwe, “Nako ya taha,” si ñozwi mwa buka kokuñwi, “kuli liwate li ka bayulela mwa lihalauapa.”

Mutalime se si kanga sibaka. Haiba nji limaili ze likana likiti kiti kwa maneku amane kaufela li ka wela mwa mukoti wa ku panca kwa lifasi, ni ku wela mwahali, ku kaba ma milioni aka shwa ka nako iliñwi. Mi sani si ka tisa kulyangana kwa moyo mwa mawate! Muhupule, ku kena mwa Liwate la Salton, kunwela ka liñokolwa ze mwanda kamba mianda yemibeli mwatasa liwate. Mezi ani luli aka yubokela bukaufi ni Tucson, ka kulyangana kwa moyo wa liwate wani ona taha ka fani. “Mi liwate li ka bayulela mwa lihalauapa.”

Linaha za ikaba, Isilaele wa zuha,
Lisupo zene ba bulezi bapolofita ba luna kale;
Mazazi a Bamacaba a balilwe, mikoti ye
mituna ikatilwe;

Mukute haenu, O mina, mu yambaela.

²⁶ Lu mwa nako ya mafelelezo. Cwale, Mulena a mi fuyole hahulu. Ha ni kala ka sani ni tibalanga za nako. Lu ka yunda kapili, kapili luli, kukena mwa Kuyakuile, ni hakuli cwalo.

²⁷ Mi cwale ku Muñoli Mareka, kauhanyo ya 7 ni timana ya 7, ili kutisa palo kwa tuto ye sa zo baliwa mwa Makolonika Bapili 13. Kuli lube ni toho ya taba ya yona, Ni bata Mareka 7:7.

*...ba ni lapela mwa mbango, banze ba luta tuto ya
milao ya batu.*

²⁸ Cwale, Na hakuna se ni ziba kwanda Liñusa la ni file Mulena, mi sani kona se Ni kona ku bulela fateni. Mi cwale, Ni ka ambola kakusasana cwana fa tuto ye Ni hupuzi ikaba yende. Mi busihu bwa kacenu Ni bata ku bulela ka za, “nama mwa mwaha wa teni,” haiba Mulena alata: *Sico Sa Moya Mwa Mwaha Wateni*, ni mwa ku Si amuhelela. Cwale, kakusasana cwana: *Kulika Ku Ezeza Mulimu Sebelezo Isi Ka Tato Ya Mulimu*.

²⁹ Mulimu u icemezi. Mi lu boni fa sa na ezize Davida, mwa Liñolo le li balilwe la Makolonika Bapili 13. Mi ne li . . . Litakazo za hae ne li lukile. Kono Mulimu ha lu katelwi ka litakazo ze lukile. Kuna ni fela nzila iliñwi ya ku sebeleza Mulimu ka yona, yani ki ka kueza tato ya Hae kuya ka taelo ya Hae. Mi Mulimu, kakuba ya icemezi, hakuna ni yomukana ya lukela ku Mu bulelela sa kueza kamba mwa ku si ezeza. U ezanga ka nzila, Ya ziba kuli i lukile ka kueza cwalo. Mi sani si ni eza kuikutwa hande. Mi si lukela kueza luna kaufela kuikutwa hande, mi Ni ziba kuli sa eza cwalo. Kakuli, alimuñwi ukona ni Sona kutaha

ka nzila *ye*, mi yomuñwi abe ni Sona ka nzila *yani*, mi yani ka nzila yeñwi.

³⁰ Kono nto iliñwi yetuna, hape, ka za Mulimu, Ha si ka lu siya, cwale, kusina ku ziba se sili Niti ni mwa ku ezeza. Ha koni kuba ya lukile, mi a lufe mulatu ka kueza sika sene lu sa zibi mo ne si lukela ku ezezwa, mi ni ku lu tuhelela kusitatala ku sesiñwi. Yena ha ki Mulimu wa mufuta o cwalo. Ki Mulimu ya bulela Linzwi ni ku kulubela bana ba Hae kuli ba Li lumele. Mi, kabakaleo, Wa ziba se sinde, ni nako ya ku si eza, ni mwa ku si ezeza. Luna ni mihiupulo ya luna ka sona, kono Yena wa ziba.

³¹ Mi cwale haiba Na tomile mulao, sani ki sona sa Ka eza, mi a sa lu buleleli sene si ka ezahala ni mo ne si ka ezahalela, fohe luna, ha lu sitatala ka sona, nelu ka—nelu ka beiwa baba lukile mwa—mwa kusitatala kwa luna; kamba, kulika ku eza sika sesiñwi, mañi ni mañi na ka beiwa ya lukile. Kono kuna ni fela nzila iliñwi, mi yani ki Linzwi la Hae.

³² Mi taba yeñwi, Davida fa, lu bona kuli mwa pilu ya hae na bata kueza sesiñwi se sinde. Na sina mulelo ye maswe, kamba na sina muhupulo o maswe. Kono, ndu, kamba areka ya Mulena, neili kwahule ni—ni sicaba, mi na bata kutisa areka ya Mulimu kukutela mwa sibaka sa yona, konakuli sicaba ne si ka buza Mulimu ka lika ze ne ba bata.

³³ Mwa sibaka sa—sa ku i tuhela fela kuli i ikele, luna... Ku cwani kambe Muzwale Blair ni bo ndatahe mushimani yo ne ba kali, “Kihande, ku fosahalile hahulu, mwana u holofezi luli, u bulailwe. Na sepa, ki sesiñwi fela sene si ezahalile”? Kono ne baile kapili ku Mulimu.

³⁴ Ku cwani kambe kalibe, ni muuna hae, mukutazi wa Evangelii, masihu a likani a felile, kamba mazazi, kalibe yomunyinyani yani yana lobehile moongola, ya sa zo yema yani... Dokota na bulezi kuli, “U ka bata kutokwa mata mwa bupilo bwa hae kaufela.” Ku cwani kambe bo muuna hae ni yena ne ba kali, “Kihande, mulatiwa, lu ka i kombakomba fela ka sona”? Kono kapili ba eza sesiñwi ka sona; ne ba ile ku Mulimu. Ki lika ze kai mwa Bibele ze ne luka swanisisa ku zona, za fo batu hane ba keni mwa butata, ne ba ya ku Mulimu!

³⁵ Kihande, cwale, mwa mazazi ani, ne ba nani sibaka fela silisiñwi sa makopanelo kone bakona ku kopanelo ni Mulimu, mi kwani neli kwa areka, mwataswa mali. Sani kona fela sibaka sinosi nihaisali, mwataswa Mali. Sipula sa sishemo ne si hasakilwe mali, ili kuwa sishemo ku mulapeli, kamba ya kupa, ha taha ku to kupa kupo yeñwi ku Mulimu. Mi ni Mulimu nana ni mukwa one ba ziba o ipitezi, nzila yene mu lukela ku ya ka yona, hape, ka litaba zani, mi Na sike ku amuhela sika si sili fela. Na sike ku amuhela sa kutisa sesiñwi kaufela; konji ka nzila fela ya Na tomile.

³⁶ Cwanoňu nyana Ne ni kutilize fa Liňusa, buňata bwa mina mwa Li ziba, kuli, ki sibaka fela silisiňwi seo Mulimu akopana ni mulapeli, ona sibaka sa Na bulezi kuli, "Ni ka beya Libizo la Ka ku sona." Haiba lu ka fumana keleke yeo Na beile Libizo la Hae ku yona, konakuli lu si fumaní sibaka seo. Na ize, "Hanina ku mi fuyola mwa minyako kaufela; kwanda mwa minyako fela mo Ni beile Libizo la Ka. Ni ka li beya mwa sibaka silisiňwi, mi muna ni ku kopana ni Na kwani; mi sani kona sibaka fela si nosi ko Ni ka mi katanyeza." Mi lu fumaní kuli, mwahali mwani, kwa Na beile Libizo la Hae, mi sani kona fela sibaka sinosi koo A kopana ni mulapeli. Mi Libizo la Hae neli Jesu Kreste. Libizo la Mulimu ki Jesu Kreste.

³⁷ Jesu naize kuli, "Ni tile ka Libizo La Ndate." Mwana kaufela u tahanga ka libizo la ndatahe. Mi ni Yena natile ka Libizo la Ndate.

"Mi hakuna Libizo leliňwi hape mwatasa Lihalimu leli filwe kwa batu," kamba libizwa Methodist, Baptist, Presbyterian, keleke ya Kreste, kamba za kona ku ezahala. Kuna ni fela sibaka silisiňwi sa makopanelo koo Mulimu akopana ni mutu, mi sani ki ha li ku Jesu Kreste, sibaka sinosi fela. Mi lika za kale ze kaufela kwa mulaho kwanu mwatasa Testamente ya Kale, ne li swanisisa ku sona. Ni bata kuli mu utwisise handende. Cwale, ki tuto ya sikolo sa la Sunda. Ni nani Maňolo nyana ni ze ňozwi kulo fa. Ni hupuzi kuli se si ka mitusa kuli mu utwisise, sina lika za kale kamukana hane li ezahalela kuba mitala ya luna.

³⁸ Cwale, lu fumana kuli Mulimu nana ni nzila ya kueza lika ka yona. Kono Davida, kakuba fela ya fuyozwi ka Mulimu, sina mwa na bezi, mi aba mulena, na hupuzi fela kuli aezeze Mulimu nto yeňwi, ni hakuli cwalo. Mi na si ka ya mwa nzila ye lukile ka yona.

³⁹ Lu lemuha cwana kuli, Mulimu u patululanga Linzwi La Hae Tota mwa mwaha o lukisizwe. Cwale, kana Martin Luther na ka ziba cwani Liňusa kacenu? Kana ku cwani ku ba Presbyterian? Kana Martin bo...kamba keleke ya Katolika ne i ka ziba cwani liňusa la Martin Luther? Kana John Wesley na ka ziba cwani liňusa la Luther? Kana Wesley na ka ziba cwani liňusa la Mapentekota? Kamba Mapentekota ne ba ka ziba cwani Liňusa le? Mwabona? U Li patululanga mwa myaha ya Hae, kakuli Ki Peu. Mi hanze I hula ni kubuzwa, Wa i patulula Yena kasibili.

⁴⁰ Sina kucisa kwa lizazi, ha li pazula. Hali sa li le li bunolo mi leli nyinyani, limelisa kuzwa mwa mubu, peu; mi liifa matali a yona, mwa kalulo yeňwi ya lizazi. Lizazi le li cisa li ka i bulaya haiba ki peu ye se ibuzwa...kamba nako ya ku buzwa. Kacwalo, Ki yena ya zamaisa lizazi ni ku zamaisa pupo, kuli li lumelelane ni Linzwi la Hae.

U zamaisa Keleke, yona ye ketilwe isali kwa simuluhu, ili Munyaliwa, kuli akopane ni mwaha wa pila ku ona.

⁴¹ Mane nihaiba pupo ya lu bulelela kacenu, sina ha lu bona linaha ha li itwanisa, lifasi lisweli kutiba, muñolo uteni fa limota. Lu bona keleke ni naha likeni mwateni.

Lu bona Munyaliwa ni hana yeo Ali ku yona. Mi lwa ziba, ka pupo, kuli Keleke i se itukisa ku ya. Ha ki nako kwa kanya! Ki yona nako yene ba lakalize ku bona bapolofita kamukana, yona hola ye.

⁴² Cwale, U patululanga Linzwi la Hae mwa nako ya Lona. Martin Luther na balile Bibele yeswana yene lubala ni luna. Wesley na balile Bibele yeswana ni ya na balile Martin Luther. Mapentekota ba bala Bibele yeswana ye lubala ni luna. Jesu na balile Bibele yeswana yene ba bala Bafarisi, kono ne ba nani... Kulika kubeya mbonyi mwa sibaka sa pili, hane inze i buzwa, ba palelwu kubona hola ya bona.

Cwale Davida u ezize taba yeswana fa.

⁴³ Mulimu upatululanga Linzwi la Hae mwa nako yateni, ni ku yo A keta ku Li patululela teni. Mulimu wa ketanga ku yo A ka Li patululela teni. Na ketile cwalo haisamba kuba mutomo wa lifasi. Likezo za Hae kamukana ne li zibilwe kale ka Yena, ne li patilwe ku mutu. U li patululanga fela kuya ka Mwa latela. Ki yona nako ya Hae ye ketilwe, mutu wa Hae ya ketilwe. Mi Na si ka keta katengo kamba sikhata; ki mutu ya ketilwe, ka mo A ezezanga lika.

⁴⁴ Ki mañi ya kona ku nyamatala ku Mu sikulula, ni ku bulela kuli, "Cwale, Mulena, No ezize mafosisa ka kubeya mutu *yo* mwa bulumiwa. Muuna *yo* ha lumeli sina mo lu lumelela luna"? Ki mañi ya ka bulelela Mulimu kuli U fosize ka zona? Si kanga mutu yomuñwi ya fosahalile nyana kufita mo Ni inezi na, ku Mu bulelela sani. Wa ziba Sa sweli kueza. Wa ziba ya lukela kuketiwa ni ya sa swaneli kuketiwa, sa kueza ni nako ya ku si eza. Hakuna taba ka mo lu nahanelu kuli mutu yomuñwi wa swanela kueza musebezi omuñwi, Mulimu wa ziba ya swanela ka nako yeo ni mwaha wa teni, kamba nako ni mane ni nako ye lukile ya ku u peta.

⁴⁵ Mi ya sephala, Mukreste wa niti; wa luli, mulumeli wa niti ku Mulimu, u libevelanga ku Mulena ka lika ze. U libeleva bulumiwa bwa hao. Haiba nji u ikutwa kuba ni pizo, ube ni niti kuli ki Mulimu. U be ni niti kuli si lukile. U bone kuli ki nako yateni quamana lika zeo ubulela. Bibele i bulezi kuli, "Baba libevela ku Mulena baka ancafazwa mata. Ba ka pahama malundu ka mafufa sina mbande. Baka mata mi habana ku katala. Haba ka zamaya, habana ku fokola."

⁴⁶ Mulemuhe Davida, mulena wa Isilaele, inza tozizwe luli. Samuele na selile oli ku yena, mi neli muketwa wa Mulimu, kuli abe mulena wa Isilaele. Mi Davida aba ni sinulo ye, ya kutisa areka ya Mulena kwa muleneñi wa Davida. Cwale, hakuna se si fosahalile, kono, mwa bona, Davida na keni ku zona ka mafosisa.

⁴⁷ Cwale, ku bonahala inge kuli muuna ya cwalo u kona kuba ni sinulo, muuna yomutuna sina mulena ya ketilwe ki Mulimu, mulena yomutuna hahulu ku ba bakile ba pila mwa lifasi, kwanda Kreste, Na sepa, neli Davida, kakuli Kreste ki Mwana Davida. Cwale, muuna yomutuna hahulu, ya tozizwe mwa nama, ataha fapila Kubateni kwa Mulimu, mi a ba ni sinulo ya ku ezeza Mulimu sika, mi abata ku si ezeza Mulimu; kono sinulo neli ye fosachezi. Cwale, yani kwateri ki taba luli. I ka talimana ni toho ya taba ya luna: *Kulika Ku Ezeza Mulimu Sebelezo Kusina Kubiziwa Kueza Cwalo.*

⁴⁸ Mulemuhe, Davida na bile ni sinulo. Mi amulemuhe, ne si mupolofita, Natanaele, ya nabile ni sinulo. Neli Davida, mulena, ya nabile ni sinulo. Mane nihaiba Natanaela na si ka buziwa ka zona. Na si ka buza Natanaele. Kono kana mu boni fa, Likeleke za pili za Makolonika, na buzize litopa za bazamaisi ba masole ze mashumi a ketalizoho za baba likiti kiti, ni bazamaisi ba litopa ze mianda? Na si ka buza Natanaele. Na buzize sicaba, mi ki ha buza hape ni baprisita ni baituti ba lizazi la lani, bañoli ni baituti ba za bumulimu. Davida na buzize pili, ali, “Haiba ku cwalo, se, kuli ki sa Mulimu, ha luye ñi teni mi lu yo i nga areka ya bulikani ni Mulimu wa luna, lu keneni mwa muleneñi, mi ha lu buzeñi Mulimu pili lu si ka eza sika kaufela.”

⁴⁹ Kono ali, mwa mazazi a Saule, “Ba tuhela ku buza Mulimu, ka—ka—ka areka, yona Urimu, Urimu Tumimu. Ne ba tuhezi kueza sani.”

Davida ali, “Cwale halu kutele ñi ku Mulimu, kaufela luna! Halu kutele ñi kwa sika se si lukile. Haluyeñi kwani lu yo anga areka ni ku itisa kwanu, lu tise Kubateni kwa Mulimu,” ka manzwi amañwi, “ikene mwa hae. Halu beni ni ancafazo. Halu ezeñi sicaba kuli si kute.” Kono nana ni sinulo, yene bonahala kuba hande, kono ne si tato ya Mulimu.

⁵⁰ Kufita kuli abuze ba na swanela ku buza, yena a buza bazamaisi ba litopa ba hae, kakuli kona hana sa zo ba fela mulena. Mi a latelela buino bwa munahano o cwalo, bona, bana bazamaisi babatuna ba litopa za hae za baana.

⁵¹ Mi ki ha ya kwa keleke ye sina mayemo hande ni ku yo buza kana ne ba ka ba ni ancafazo. Baprisita, bañoli, bazamaisi ba litopa ze likiti, bazamaisi ba litopa ze mianda, mi a ba buza. “Kana ye neli tato ya Mulena nji?” Mi bali neli ona cwalo. Kono, mwa bona, na palezwi ku buza kone lizwelela luli yona nzila yana tomile Mulimu ya kueza lika ka yona kamita. Mwabona, na palezwi ku i fumana.

⁵² Cwale mulelo wa hae neli omunde. Muhupulo wa hae neli omunde. Tibelelo ya hae neli yende, ni kuli atise ancafalo mwa muleneñi, kutisa sicaba kukutela ku Mulimu. Kono na si ka buza sina mwa na mu bulelezi Mulimu kuli aeze. Mwabona?

⁵³ Mane nihaiba sicaba kaufela sa lumelelana, ni baprisita, ni kuli mulena nali ya lukile, “Ne ba tokwa areka kuli i kutele mwa muleneñi. Cwale, ne ba tokwa Kubateni kwa Mulimu. Ne ba tokwa ancafalo.” Kono Mulimu na si ka sepisa ku patulula Linzwi la Hae, mwa mwaha wa Teni, kwa sicaba. Na si ka sepisa ku Li patulula ku mulena, mwa mwaha. Mulimu ha cinci, nihaiba hanyinyani. Na si ka sepisa kueza cwalo.

⁵⁴ Hakuna taba kamba ki ku sepahala ko ku cwani, ni kuli milelo ki yeminde cwani, ni seo takazo ili sona, ni ka mo sicaba si batela lika zani ni kubona butokwa bwa zona, kuna ni tato ya Mulimu ye lukela ku latelelwa ha kuezwa lika ze. Seo kona se Ni bata kuli siutwahale hande ka tokomelo, kakuli Ni bata kueza se kuli mukone ku si bona haiba—haiba Moya wa Mulimu upila ku mina. Mi lani kona libaka ha Ni sweli ku itiyehisa nyana ona fa. Ha ki ku mi sinyeza nako ya mina sicaba baba inzi fa mawaile, ni ku baba teezeza ka mihala ya lifoni, kono Ni—Ni bata kuli mu si bone. Haiba mu felelwa ki nako, kona kuli munge tepu. Kuli ku be... .

⁵⁵ Hakuna taba i tokwahala cwani, ka mo mutu kaufela alumela kuli li tokwahala hakalo cwani, kuli kuna ni Niti ye cwani kaufela, ku sa na ni nto iliñwi hape ya ku batisisa. Kana ki yona tato ya Mulimu nji?

Cwale, Mulimu na si ka sepisa kuli Uka patulula likunutu za Hae kwa malena ba Hae, Na ka patulula likunutu za Hae kwa sicaba sa Hae.

⁵⁶ Sesiñwi se si swana ni nako ya Mikaya, mwana Imila. Halunzelu zwa, ha ki toho ya taba, kono ka nako yeñwi, ili kutisa se ni ku si eza kuba sa niti ku mina, sa luli ku mina, kuli musike mwa si mbwinja.

⁵⁷ Ne kuna ni, mwa mazazi a Mikaya... Nali mutu ya shebile, mi hape na zwelela kwa lubasi lo lu botanile. Kono, Akabe, mulena wa Isilaele, kakuba naha yeneli mwataswa Mulimu, na tomile sikolo kwatuko mi na uta, bapolofita baba supilwe ka lizoho, mi nana ni baba mianda yemine mwa sikolo. Mi nebali baana babatuna. Ne ba si fela bapolofita ba buhata. Ne bali bapolofita ba Siheberu, baana baba sepahala. Mi ne ba buzanga za Mulena ka bona baana ba. Mi ne ba nze ba polofita. Kono, mwa bona, kangisano ya niti hane itile, kaufela bona mutu ni mutu na zwile mwa Linzwi la Mulimu ni tato. [Hakuna manzwi fa tepu—Mu.]

⁵⁸ Kakuli Jehoshafati na zwa kwa Jerusalema ku to kopana ni—ni mulena Akabe, mi ki ha ba apala liapalo za bona, mi ba ina fande mwa—mwa minyako ye kena mwahali, mi atisa bapolofita fapila bona. Pili, Akabe ali, “Luna ni sibaka kwani kwa Ramoti-giliadi ili sibaka sa luna mane.” Cwale, seo KISONA SA BULELA MULENA. Joshua na si abezi batu ni ku sifa ku bona, kono Mafilisita ne ba ikungezi sona.

Mi ali, "Kwanu bana ba luna ba tokwa buhobe, kono haluna mubu o mutuna kuli lu ba limele sico ku ona. Kanti sila sa luna, bona Mafilisita, ba sweli kufepa bana ba bona, mahedeni bani, ka mubu luli o Jehova Mulimu na lu file." Yani luli inamile. Mi ali, "Kwanu, luna, sicaba sa Mulimu, lwali kuina kwanu ni bana ba luna, lu tokwile, mi sila sa luna si nze si fepa bana ba sona fa mubu o Mulimu wa na lu zwiselize mwa Egepita ni ku lufa ona." Sani ne si ka tisa muituti wa za bumulimu, nji cwani? Mi ali, "Kikuli lwa kona kuya mi lu yonga mubu wa luna wa na lu file Mulimu?"

⁵⁹ Jehoshafati ali, "Eee, Ni ka ku tusa. Luna lu bana ba mba. Wena umu Juda, mi Na ni mwa—Ni mwa Jerusalema." Kamba—kamba, neli ka kushutanisa nji? Na sepa . . . Batili, ku lukile. Ni sepa ki . . . Jehoshafati.

Konohe, Jehoshafati neli muuna yomunde, nali mulena, muuna ya lukile ya na lata Mulena. Akabe nali mulumeli wa sihali hali. Kacwalo ki ha ba batisa teni kwani, mi Jehoshafati ali, "Teeleza, ha lu buze Mulena, pili. Lu lukela ku batisisa ka se." Mwabona, kambe Davida na ka eza sa na ezize Jehoshafati! Yena ali, "Kikuli ha lu lukeli kueza cwalo?"

Mi kapili, kakuba mu Isilaele, Akabe ali, "Kaniti. Ni na ni bapolofita baba kuma fa mianda yemine ba Siheberu, sina mo lu inezi, bapolofita ba Siheberu ba katengo ka luna kaka lu konka. Mi Ni ka ba buza. Ki bapolofita." Cwale, mwa bona, fela . . .

⁶⁰ Muli, "Seo sa ni sitatalisa, Muzwale Branham. Mupolofita?" Oh, luli. Neku na ni alimuñwi mwa nako ya Jeremia, yana bulez fela kuli ne ba ka yoba kwani ka myaha yemibeli fela. Mulena abulelala Jeremia, "mashumi a supile." Abeya coko mwa mulala wa hae, mi mupolofita a i loba, Hanania. Kono mwa ziba ze ne ezahalile ku yena. Oh, luli. Mu lukela kuina ni Linzwi.

Kacwalo bapolofita ba ki ha bataha mi ba to polofita, mi bali, "Aku zamaye ukambame! Mulena una ni wena."

⁶¹ Mi alimuñwi wa bona, Na sepa (ni libezi libizo la hae cwale) neli mulena, Zedekia, Na lumela, ali, a beya manaka amabeli a sipi mi ali, "KISONA SA BULELA MULENA. Ka se," cwale muuna yani na sepahala, "u ka yo kasha sila sa hao ku yo kena mwa naha ya bona, mi unge se sili sa Mulimu. Si filwe ku wena." Ha ni lumela kuli nali muipi. Ni lumela kuli nali muuna yomunde. Ni lumela kuli bapolofita bani kaufela nebali cwalo.

⁶² Mu li, "Bapolofita?" Eeni! Muhupule, yena muuna yani luli yana fumba ku bulaya Jesu Kreste, na polofitile, kakuli neli ofisi ya hae. Neli muprisita yomutuna mwaha wani. Mi kakuba kuli nana ni ofisi yani, ni kuswala ofisi yani, Moya wa Mulimu wataha ku yena. Sani ha si talusi kuli na pilisizwe kamba sesiñwi sa teni. Mi a polofita, Kefasi, kakuli neli ofisi ya hae yene eza zani.

⁶³ Mi bapolofita ba, kakuba bapolofita, ka ofisi ya mupolofita, na polofitile. Mi ni Moya wa Mulimu wa taha ku bona, baana ba limpo za Moya.

⁶⁴ Ni lemuha kuli Ni ambola kwa Mapentekota ba buñata bo bueza nainte-naini pesenti. Kono baana linako zeñata, muuna, Mulimu wa kona kuezza sika yena, ku mufa mpo, mi ni sicaba si ka sinanisa yena mutu yoo. Haiba nji ha si ka biziwa hande ni ku lumiwa ki Mulimu, uka eza kuli muuna yo kamba musali yo abulele sesiñwi se si si tato ya Hae, kakuli ki batu baba hapeleza kuli aeze cwalo.

⁶⁵ Mo ne Ni konezi kuswasa mukutazi wa luna kwanu yomunyinyani ka zona. Kwande kwanu mwa mishitu kakusasana omuñwi, ka nako ya sili kiloko ya kakusasana, ali, “Zamaya u yo bulelela Muzwale Neville!” Ne ni tile ku wena, kana Ne ni sika taha nji, Muzwale Neville?

⁶⁶ Mutu ni mutu, “Muzwale Neville, na nza ni polofitela. Ku ni bulelela se kamba *sani*.” Mwabona? Mu bile ni yana kona ku bulela lika ze si ke ku ezahala.

“Bona baba libelela,” ku fumana seo Mulena abata kuli baeze. Mwabona?

⁶⁷ Kacwalo baana baba talima teni ka mubonelo wa nama, “Ki sa luna.” Kono, mwa bona, ne ba si ka fumana Linzwi ni tato ya Mulimu.

⁶⁸ Cwale Mikaya ataha, mi nana ni pono. Na batisize, pili, mu lemule. Naize, “Amu libelele. Mu ni fe busihu bwa kacenu. Mutuhele pili ni batisise, mi kamuso mwendi Ni ka kona ku mi alaba.” Na si ka matela, “KISONA SA BULELA MULENA,” sina, ka ku lumeliana ni bapolofita babañwi. Na bulezi kuli, “Ni ka bulela fela seo Mulimu abulezi.”

Mi habusa leli tatama, lu fumana kuli, Mulimu na mu bulelezi sene si ka ezahala. Mi kaniti ne si shutanela kwahule ni babañwi. Sikolo kamukana, ne si shutana. Mi alimuñwi wa bona ayema ku yo mu bakula kwa pata, ka zona. Kono, mwabona, na libelezi. Mi cwale hana se aezize sani, abapisa sipolofita sa hae, pono ya hae, ni Linzwi leli ñozwi, mi ne sili zamaeleta hande ni Linzwi.

⁶⁹ Mutu ha bulela kuli u “na ni sinulo ya ku kolobeza batu ka Libizo la ‘Ndate, Mwana, Moya o Kenile,’” sani sa shutana kwa Linzwi. Hakuna nihaiba yomukana wa bona ya kile aeza. Fani hana ka bulela, kuli, “Oh, lu ka yema, mi *se*, *sani*, ni *sesiñwi*,” ni zeñwi cwalo, sani sa shutana ni Linzwi. Ha ka bulela kuli ha “lumeli ka za peu ya sizwalo,” sani sa shutana ni Linzwi. Liká zeñwi ze kaufela, ki ze shutana kwa Linzwi. Si lukela kuba ka Linzwi mi ni ka nako yateni.

⁷⁰ Cwale, kambe Davida na ka eza fela sani. Areka ne nze i taha, kono isiñi ka nako yani; neku sina sibaka sa yona.

⁷¹ Cwale mulemuhe fani hane ba ilonga areka, baituti kaufela bali, "Yani kona taba ya kueza, Davida. Kanya ku Mulimu! Lu tokwa ancafazo." Yani neli Pentekota ya niti, kacenu; Baptist, Presbyterian. "Davida, ki wena mulena luna! Mina kamukana . . . Kapitao wa *Kuli-ni-kuli*, ni Muina situlo wa *Kuli-ni-kuli*, ni Muyemeli wa *Kuli-ni-kuli*, ukaba kwa mukopano wa hao. Kiñi, ba bulela kuli yani kona taba fela ya kueza, Davida. Una ni naha kaufela ku wena."

Bwani kona butata kacenu. Hani lati naha. Ni bata Mulimu, haiba hakuna usili ya ka yema.

⁷² Davida nana ni bo kapitao kaufela. Nana ni kutwano ni puso ya masole. Nana ni kutwano ni likopano kaufela, ni baituti ba za bulapeli kaufela, ni bona kamukana, mutu ni mutu na lumelelana ni yena. Ku cwalo ni Akabe, ni babañwi mwa Mañolo; kono na sina Mulimu, kakuli na zwile mwa tato ya Mulimu. Na sepa lwa li utwa zeo.

⁷³ Mulemuhe, ne ba ezize kezo kaufela ya bulapeli yene ba kona kueza. Neba beile lipapazo ni lika kaufela, "Ancafazo yetuna! Areka ika kuta ku luna. Ku ka ba ni ancafazo. Lu ka eza sa *kuli*."

⁷⁴ Mulemuhe, na lumile baopeli. Na lumile batu ni liharepa, ni litolombita, mi ba eza taba kaufela ya bulapeli yene ba ziba kueza; mi niteni Mulimu na siyo ku yona.

Ku bonahala kuli lisweli za buzwa hape, nji ha lu boni cwalo?

⁷⁵ Ne ba ngile baopeli kaufela. Ne ba ngile balizi ba harepa, balizi ba tolombita; basali, baana, ni yo kaufela yana opelanga. Neba ba isize kaufela bona kwatasi kwani, mi ne ba lokile litoko kaufela za bulapeli.

Hani lati ku bulela se, kono Ni na ni ku si bulela. Kona mo ku inezi ni likopano kacenu, Pentekota ni zeñwi kamukana, lisweli kupeta litoko za bulapeli kaufela, za ku opela ni kuhuwa.

⁷⁶ Mulemuhe, Davida na huwile ka mata a hae kaufela, mi na kalumukile, mi a tula, ni kupeta litoko kaufela za bulapeli zene liteni; kono niteni Mulimu na siyo ku zona. Mi mulelo wa hae, ni muhupulo wa hae, ni lika kaufela ne li ze lukile; kono naile ka nzila ye fosahalile ka zona. Mwabona? Na ezize muzamao kaufela ya bulapeli; a huwa, a opela, nana ni baopeli ba butokwa, bahuwi ba butokwa, lika zeñwi kaufela. Neba binezi mwa moyo. Ba eza lika kaufela ze neli za bulapeli.

⁷⁷ Ki sika se si swana sina likundi za luna za nako ya luna. Ba bata ku wina lifasi ku Kreste. Hakuna sika se si cwalo. Li ancafalo zetuna ze nyunga naha, lika zetuna ku ezahala; kambe ne ba ka kona fela ku itebuha, kuli lizazi lani lifelile. U ikongile. Kono ba sweli ba yaha, likundi, likopano, ni lika kaufela. Kono, linepo liswana fela sina mo ne libezi mwa nako ya Davida, ne li si ka beleka.

⁷⁸ Lwa ya mi lu yo ba ni ancafalo. Babatuna ba luna, ba buleli babañwi babatuna ba luna kacenu, ba bulela kuli bana ni baba sikululezi kwa bupilo baba eza seti sauzande, mwa nako ye kuma fa lisunda ze silezi; mi ki silimo fela kuzwa fani, ba kuta mwa mulaho, ha ba sa kona ku fumana baba mashumi amalalu. Kuna ni se si fosahalile. Ki sikamañi sani, ki nto yeswana fela sina Davida mwa na ezelize. Baituti babatuna, baana babatuna, bakutazi babatuna, likolo zetuna, puso yetuna, kono niteni banze ba buza kopano yetuna mwa sibaka sa kuli ba talime mwa pata ya Linzwi la Mulimu ni kubona kuli nako yateni i zamaela kai. Hamukoni ku cala lico zeñwi kono kwanda kuli ibe nako yateni ya mwaha.

⁷⁹ Cwale halu boneñi se ne si ezahalile. Nihaike inge kuli za bona... Toko ya bona ya bulapeli ni zeñwi neli zetuna, milelo ya bona neli yemituna, mukopano wa bona wa sikundi neli o mutuna, muopelelo wa bona neli o mutuna, mubonelo wa bona neli o mutuna, ku huwa kwa bona neli ko kutuna, lipina za bona neli ze ipitezi, mi ne ba nani areka. Ki bunde mañi bwa areka Mulimu ha li siyo? Ki sipokisi fela sa makwati, ni matapa nyana fa basizwe ka macwe.

Sani si swana ni kuca mulalelo, ku kolobezwa. Ki bunde mañi bo bu liteni ka ku kolobezwa haiba ha u si ka baka? Ki bunde mañi, bwa kuca mulalelo, ka kuba muipi, haiba ha u pili bupilo ni ku lumela Linzwi la Mulimu kaufela? Kunga siemba sa Lona, mi isiñi ze siyezi za Lona kaufela, ku bonisa kuli kuna ni se si fosahalile.

⁸⁰ Cwale, ze kaufela ha li ezahala, halu boneñi cwale ze ezahala haiba Mulimu, ni lusika Iwa Hae ni nako ya Hae, ha li sa tokomelwi; iba feela muhupulo wa sicaba.

⁸¹ Batu babañata ba ni bulelezi kuli, “Kiñi ha u sa tahi kwanu uto ungeka mukopano? Kihande, lwa ku biza. U nyatele *se, sani, kamba sesiñwi*.”

Mulibelepange! Mwa kona kubata sika, kono ki sikamañi sa bulela Mulimu ka sona? Batu babañata se ba ni bulelezi... Ni bile ni ku memiwa, Ni bile ni mikopano ya ku buziwa lipuzo, lipuzo za ku ni buza ni zeñwi, ku libelela silimo mutumbi. Mulibelepange! Ni ka ziba cwani se Ni ka bulela kufitela Mulimu ha ka ni bulelela sa ku bulela? Mwabona, muna ni ku libelela! Lani kona libaka ha Ni ize, “Muni ñolele seo. Lu boneñi sa Na bulezi.” Mwabona? Multelange! “Baba libelela ku Mulena baka ancafazwa mata a bona.” Ku cwalo nji?

⁸² Mulemuhe, ne ba buzize fela baprisita ba lizazi zazi, baituti za bumulimu, ba likopano. Mi mulemuhe, ka kueza sani, ku buza baprisita ni ku buza kopano, ku buza sicaba, ne ba ezize ka mafosisa.

⁸³ Mulemuhe, areka neli Linzwi. Lu ziba kuli yeo ki niti. Kakuli, areka ki Kreste, mi Kreste ki Linzwi. Mwabona? Areka,

kamba lona Linzwi, ne li sika beiwa pili, ku tomahanyiwa, mwa sibaka se si lukisizwe. Oh, musike mwa palelwa ku utwa se, keleke!

Lika kaufela nelili hande, mi lika kaufela ne li bonahalile hande, inge kuli ne ku ka tahaancafalo yetuna; kono kakuli ne ba palezwi ku buza mutu ya swanelka zona! Ne ba buzize baprisita, ku buza baituti babatuna, ku buza baituti ba za bumulimu, ku buza baopeli, mi baba ni lika kaufela mwa buñwi, ni katengo kakatuna ka masole, mi hape ni-ni-ni lindwalume za na ha. Liki kaufela ne li zamaelela kwa mukopano o mutuna, kono ne ba palezwi ku buza Mulimu. Kona mo ne ku bezi ni ku Akabe, ku cwalo ni ku babañwi. Ki nako yecwañi!

⁸⁴ Cwale musike mwa mbwinja se. Ne ba palezwi ku utwisisa lika, kakuli ne ba si ka buza. Mi ka kueza cwalo... Mutualimele. Ka kuya kwa baprisita, ka kuya kwa baituti ba za bumulimu, ni ka kuya kwa limpi za masole, mi mane kusina ni haiba ku lemuha mulumiwa wa bona yana lumilwe ki Mulimu wa hola yateni, Natani, ne ba fosize ka zona. Ne ba ilo shimba areka ni ku i beya mwa kocikala, ku i beya mwa kocikala yenca, kamba, "kopano yenca ika kala sika," mi isi ka sibyana sa file Mulimu, yona nzila ya kulwala ka yona. Ne i lukela ku shimbewa fa maheta a Malivi. Kono, mwa bona, ha mu kala sika ka mafosisa, mukana mu zwelapili ka mafosisa.

⁸⁵ Haiba lilumo la tobolo li lukela ku libisiwa kulo fo ku tokwahala, mi mu nyanganyisa muyengo kwa neku le, ka kukala, fa butelele bo bulikani ni liñokolwa ze mwanda muka ipumana kuba kwatuko ka mainci amane kamba a ketalizoho kusili. Ne mu kalile ka kufosa.

⁸⁶ O Mulimu, lu tuse kuli kuziba taba ye kalile ka mafosisa, ona likundi zetuna za hola ze, mi kona mo li bizezwa. Mulimu ha buziwa ka zona. Baprisita ni baana ba bulapeli kona baba buziwa. Likopano za buziwa. "Kihande, kana ukaba ni sa *kuli-ni-kuli?* Na lumela, kambe ne lu ka kopanya batu kaufela hamoho!" Musike mwa kubukanya batu kaufela hamoho. Munge fela Linzwi la Mulimu ka zona.

⁸⁷ Mi lu fumana kuli, ha ba eza cwalo, ki sikamañi se baeza? Ba zwelapili kuya ka litukiso ze swana za kale za bulapeli, ili ze zwile mwa Linzwi la Mulimu ni tato ya Mulimu. Sika sani ne si shwile, lilimo ze fitile, ona lika ze omile za kale zani mwa lilimo za kwa mulaho.

⁸⁸ Ne li omile mwa mazazi a Mulena Jesu. Ne ba si ka li ziba. Ali, "Kambe ne mu ziba Mushe, ne mu ka Ni ziba, kakuli Mushe na bulezi kuli Ni ka taha."

Bali, "Bo ndata luna ne ba cile maana mwa lihalaupa."

⁸⁹ Ali, "Kaufela bona ba shwile!" "Libofu," Na ba bizize cwalo, Bafarisi, baeteleli ba bulapeli. "Kwanda kuli mu lumele kuli ki Na Yena, mu ka shwela mwa libi za mina." Kono ne ba si ka eza.

Ne ba swalelezi hahulu kwa linzila za bona. Neba na ni kuba ni zona ka nzila ya bona.

⁹⁰ Kona mwa na ezelize ni Davida ona cwalo. Nana ni zona ka nzila ya hae, kacwalo a bulela fela kuli, “Mwa ziba se Ni ka eza? Lu sweli lwa zamaya.” Nana ni sinulo. “Lwa zamaya cwale, konakuli luka eza ka nzila yenca. Mazazi a limakazo a felile, kacwalo luka ikezeza fela kopano yeñwi. Luka i pangela kocikala yenca, ku bonisa kuli taba yenca i kalile.” Ki sipolofita kwa buhata!

⁹¹ Mu lukela ku kuta ni kuya ka nzila yeo Mulimu na bulezi kuli muye ka yona. Ne ba ibeyanga fa maheta a Malivi, mi fani neli fa halimwa pilu. Areka, lona Linzwi, ha li lukeli ku lwaliwa fa halimwa kopano yenca, fahalimwa lituto zeñwi za batu, kono mwa pilu. Linzwi la Mulimu ha li lukeli ku swaliva ka likopano; Li lukela ku lwaliwa ka pilu ya muuna, yoo Mulimu akona kutaha ku yena ni ku i patulula Iliyena. Mi haiba uli patulula kuya ka Linzwi, ki Mulimu; haiba ha ku cwalo, ha ki yena.

Mi, cwale, Linzwi la mwaha wa teni wani! Luli, Mufarisi na ka bulela kuli, “Ki mañi ya lu bulelezi kuli halu koni kueza *se* ni kueza *sani*? Mushe na lufile milao ye.”

“Kono Mushe hape naize . . .”

Satani ali, “Kiñi, ku ñozwi, ‘Uka laela Mangel a Hae . . .’”

⁹² “Mi hape ku ñozwi,” Jesu abulela.

Mwaha wateni, nako! “Kambe mu mu zibile Mushe! Muna ni ye mutama litaba, Mushe. Kambe mu zibile Mushe, ne mu ka Ni ziba ni na,” Abulela kuli, “kakuli Mushe na ñozi za Ka. ‘Mulena Mulimu wa mina uka tisa Mupolofita mwahala mina, wa bana ba henu; Yena yo ba ka muutwa.’” Kambe ne ba zibile Mushe, neba ka Mu ziba.

⁹³ Cwale ka tokomelo, muteeleze, musike mwa mbwinja se cwale. Mwabona, taba yapili, hane ba buzize baprisita, ku buza baituti, ku buza litopa za masole, ku buza kopano kaufela, bene bali mabapa, kuli ba kopane hamoho mwa mukopano tuna one utaha wo, ne ba palezwi kueza ka kuluka. Ne ba si ka buza Mulimu. Mi, ka kueza cwalo, kusina kukuta kwa mulaho ku yo bona kuli neli nako mañi!

⁹⁴ Oh, muzwale, utwa. Ki nako mañi ye lupila ku yona? Ki lusika mañi? Ki hola mañi ye lupila ku yona? Ha ki nako ya lika ze ba sweli ku bulela ze. Zani li felile. Katulo se i sutelezi cwale. Mwa kona ku ibona hanze ikwaluha. Mwa hupula licwe fa halimwa lilundu? Hola ya katulo! Mwa hupula sinulo, kamba pono ya Munyaliwa? Ku Mu beya fela mwa sikuka. U sike wa Mu tuhelela kuzwa mwa muhato.

Mulemuhe, “Fa maheta a baprisita!”

⁹⁵ Mi Davida ni baprisita kaufela, bene ba lukela kuziba hande, neli sikamañi sani? Baprisita ne ba lukela kuziba hande. Bona

bañoli, baituti ba za bumulimu, neba lukela kuziba hande, kakuli Linzwi ne li bulezi kuli basike ba eza cwalo.

⁹⁶ Mi kacenu haba ata ku bulela kuli, “Oh, Jesu Kreste haswani maabani, kacenu, ni kuyakuile. Zani ki za minahano ya butu. Sani ki *se*, *sani*, kamba *sesiñwi*.” Ba palelwa ku bona Linzwi leli sepisizwe. “Oh, lani neli lizazi la kwa mulaho lifitile.”

Davida ali, “Oh, kihande, cwale mulibelele fa muzuzu. ‘Fa maheta a—a baprisita,’ fani neli kwa mulaho kwani Mushe hana tile. Luli, luna, luka i beya mwa kocikala yenca kacenu. Ni nani sinulo ka yona.”

⁹⁷ Baprisita bali, “Amen, Davida!” Mwabona, ku susumezwia ki katengo ka bona ka swaliso, kuli kaufela ba lukela kuba hamoho ni kueza ka nzila *ye* ni ka nzila *yani*, sani kona sene si tiselize baprisita ku sitatala. Ne ba si ka buza mutu ya lukela. Ne ba si ka eza zani ka tokomelo, kabakaleo ba kena mwa butata. Eee.

⁹⁸ Na ikalelwa, mwa lika zeñata kacenu... Hakuna ni muluti yomutuna, alimuñwi wa Mapentekota babatuna hahulu, na yemi fapila sikuwata sa bulapeli busihu bobuñwi mwa Chicago. Ne ni lukela kuba ni mukopano wani ni Baana ba Pisinisi; kono Ne ni hopula kuli ne Ni kaba mwa Africa ka nako yani, kono ne ni kutile fela ka zazi mwahali lisika kalisa kale. Mi baketa mutu yomutuna wa Pentekota ya itutile, mi a nanuha ni ku ba bulela kuli muzamao wa swaliso wo neli taba ya Mulimu. Mi abulela kuli kaufela bona ba ka kuta, mane nihaiba keleke ya Katolika ika kutela mwa buino bwa yona bwa makalelo, kaufela ba ka bulela ka malimi kuba bupaki, ni zeñwi cwalo. Mi ba tokwa ku ziba kuli sani ki siteo sa diabulosi!

⁹⁹ Mi muuna ye ne Ni sa zibi... Fokuñwi mu cala peu; ha mu zibi se si ka ezahala. Kono mueteleli wa katengo ka Baana ba Pisinisi Yetezi ya Sikreste, ona fani fela mubuleli yomutuna hana tilo ina fafasi, abulela kuli, “Ha ni si ka itwaeza ku bulela lika ze lwanisa bakutazi ba luna, kono sani ne si sona sa na kile a bulela Muzwale Branham kuli li ka ezahala. Kono na bulezi kuli sani ne si ka tisa nombolo ya sibatana.”

Abulela kuli, “Kono Muzwale Branham ha zibi sa bulela ka sona.”

Ali, “Luna fa... lu lumela kuli wa ziba.” Mwabona?

¹⁰⁰ Mi mwa Chicago, ali, “Ki babakai mo baba tabela kuli ni tahe ni to bulela siyemo sa sona?” Akala ku kalumuka ni ku huwa.

Mwabona, mu sweli kucala lipeu; ha mu zibi se si ka ezahala. Muzwelepili fela ku ha sa Peu. Mi hola yani ha i ka taha, babañwi ba ku bona ki... .

¹⁰¹ Sina Tomasi, neli yena wa mafelelezo kwa ku bona Mulena. Kono, nana ni ku Mu bona, kuli a Mu lumele. Mwabona, haba li bona ha li ezahala. Oh, Tomasi kena, kono na sa liyehile kale.

¹⁰² Cwale ha ba bona lika ze kile za bulelwa, ni ku bulela kuli KISONA SA BULELA MULENA, sa ezahala, mi kihona bali, “Amu lufe kwa Oli ya mina.” Mwabona?

¹⁰³ Kono cwale amulemuhe, susumezo. Fokuñwi mitangana babatuna ba tahanga hamoho. Mu ba utwa haba bulela kuli, “Yomutuna wa *Kuli-ni-kuli*, ni yomutuna wa *Kuli-ni-kuli*, yomutuna wa luna . . .” Musike mwabe mueza cwalo.

Hakuna batu babatuna mwahala luna. Kuna ni fela Alimuñwi yomutuna, mi yani ki Mulimu. Luna lu mizwale, likezeli. Hanina taba haiba u lisa keleke yena ni batu baba ketalizoho ku yona, seo ha si ku ezi bu nyinyani; sani si ku eza kuba muzwale, mwabona, haiba wa sepahala kwa Linzwi la Mulimu. Usike wa bilaela sika, mwa ku ezeza; ha u bi yo munyinyani. Mulimu haana bana baba nyinyani ni bana babatuna. Yena una ni bana fela. Kaufela bona ba likanelela.

¹⁰⁴ Mulemuhe, Mulimu yena Kasibili na zwile kwa simbule sa mileneñi ya Kanya, ku to ba alimuñwi wa luna. Cwale yomutuna ki mañi? Kunga . . . Isiñi kutaha fa lifasi le ku to nga siyemo sa muprisita, kono sa mutanga. A tapisa ona lizupa luli la Na bupile, mautu a ba apositola ba Hae ni babañwi. Cwale yomutuna ki mañi?

¹⁰⁵ Kono ku susumezwa, baana ba nebali cwalo. Ne ba si ka utwisisa. Ne ba hupula kuli sesiñwi se sinca ne si na ni ku ezahala, batili, sika sa na si ka bulela Mulimu kuli si ka ezahala. Ne ba keni ku sona ka nzila ye fosahalile.

Sani kona ciseho ye kaufela, haiba ki . . . ku kalela kwa mulaho kafoo, linako za kale koo, kopano ifi kaufela neina ni kuba ni mufolisi wa yona wa Bumulimu; kopano ifi kaufela neina ni kuba ni *se, sani*, kamba *sesiñwi*. Kopano ni kopano neina ni kuba ni Davida yomunyinyani. Mañi ni mañi nana ni kuba ni *se, sani*, kamba *sesiñwi*. Mwabona ze ne ezahalanga? Ne si ezize lika ze swana ze ezahalile fa. Taba yeswana. Susumezo!

¹⁰⁶ Linzwi la mwaha wateni, yona nako yene ba pila ku yona, ne ba icanganisize yona.

¹⁰⁷ Mulemuhe, “maheta a Malivi,” neli zona za makalelo, nzila yana lukisize Mulimu ya kueza lika ze ka yona. “Ku lwala areka yani fa maheta a Malivi.” Sika sesiñwi kaufela kwanda sani neli se si fosahalile. Sa Na bulezi, kona sa Na talusa. Mulimu hakoni ku cinca. Lani kona libaka, mupile ni Linzwi la Hae! Nina ni Mañolo, eehe, Makolonika Bapili 15:15, haiba mubata ku i ñola. Mulemuhe.

¹⁰⁸ Cwale mulemuhe, mwani, ka ku latelela Mulimu. Cwale Ni bata kuli muñole se mwa minahano ya mina. Ku buluka litaelo za

Mulimu, kueza sika kaufela se si lukile sa Mulimu, ku eza—ezeza Mulimu sebelezo ka kuluka, kuna ni liswanelo ze ketalizoho, fa ku ezeza Mulimu sebelezo ka kuluka.

¹⁰⁹ Cwale Davida na sweli ku ezeza Mulimu sebelezo. Na sweli kueza lika kaufela za na zibile mwa ku ezeza, kwanda kuzwa ku Mulimu. Mwabona? Na sweli kueza sika se ne si lukile, sika se sinde kwa batu, sika sesinde kwa keleke.

¹¹⁰ Kono kuna ni liswanelo ze ketalizoho. Ni bata kuli muhupule ze. Hakuna taba ka busepahali bo bu cwañi bo mutu akona kuba ha eza sika, ku ezeza Mulimu sebelezo, se, liswanelo ze ketalizoho ze li lukela kuba teni.

Pili, i lukela kuba nako ya Hae kwa kueza sika.

¹¹¹ Ku cwani kambe—kambe Mushe na ka taha, ni ku bulela kuli, “Luka yaha areka ni ku cimbauka fahalimwa nuka ya Nile, sina Nuwe mwa na ezelize”? Nako ya Nuwe ne i swanelo kuba ni areka, kono isiñi nako ya hae.

¹¹² Ku cwañi kambe Jesu na ka taha, ni kutoli, “Cwale Ni ka mi bulelala se lu ka eza. Luka kambama fela lilundu, sina Mushe mwa na ezelize, ni kuba ni mubulelelo o munca wa milao”? Mwabona? Huh-uh! Nali yena mulao wani. Mwabona?

¹¹³ Mu lukela kuba mwa nako ya Hae. I lukela kuba mwa mwaha wa Hae. Mu utwile fo cwale? I lukela kuba mwa nako ya Hae. I lukela kuba mwa mwaha wa Hae, nako ni mwaha.

¹¹⁴ Mi i lukela kuya ka Linzwi la Hae le li bulezwi. Kupale kumane. Hanina taba ka mo bulelala hande kuli *se* si lukela ku ezahala, kamba *sani* sa lukela kuba, kamba *se* si swanelo kuba. Si lukela kuba ka Linzwi la Hae; kuya ka nako ya Hae ni mwaha wa Hae.

Mi si lukela ku fiwa ka swanelo, ku mutu yo a ketile Yena kuli si ezwe ka yena.

¹¹⁵ Hanina taba kamba ki baituti baba cwani. Kuna ni mulena Davida, yomutuna fela sina yomuñwi wa bona. Nali mulena wa na. Kono Na nani nzila ya kueza ka yona, mi Na ba bulelezi mwa Na ka ezeza. Kono ba palelwa kueza.

¹¹⁶ I lukela kuba ka Linzwi la Hae; kuya ka nako ya Hae, kuya ka tukiso ya Hae.

¹¹⁷ Mi i lukela kuba ka mutu Ya iketezi kuli afe lika zeo ni ku lieza. Mushe na likile ku mata ku zona, “Kunga mutu usili fela.” Kono Mulimu na ketile Mushe ku eza sani. Buñata bwa bona; Paulusi na likile kuzwa ku zona; ni babañwi babañata. Kono si lukela kuba ka yo aiketezi Yena kuli aeze.

Mi si lukela kutaha, pili, kwa bapolofita ba Hae. Linzwi la Mulimu li lukela kutaha kwa bapolofita ba Hae. Amosi 3:7, “Mulena Mulimu hakuna sa ka eza haisi pili A Si patululele ku mutanga Hae yena mupolofita.” Sabune.

¹¹⁸ Mi mupolofita ulukela ku pakiwa ka Linzwi la Mulimu.

¹¹⁹ Zani kona liswanelo za mina ze ketalizoho. Li lukela kuba ona cwalo. Nako ya Hae, mwaha wa Hae, yona nako ya Na bulezi kuli lika ezahala; ni mutu ya Na iketezi; mi li lukela kutaha ku mupolofita; mi mupolofita ulukela ku pakiwa kuli ki mupolofita. Lu fumana kuli, buñata bwa bona mwa Bibebe, hane litahanga kwa bapolofita ne ba si ka pakiwa. Mupolofita wa luna ki Jesu Kreste.

¹²⁰ Cwale he mulemuhe, mwabona, Mulimu na si ka patulula sika ku bona ka nzila ya Hae ya kueza lika ka yona. Neba amuhezi nzila ya Davida. Neba amuhezi nzila ya baprisita. Neba amuhezi nzila ya bañoli, baituti ba za bumulimu, kono isiñi nzila ya Mulimu. Natanaele, yena, neli mupolofita wa lizazi lani. Kasamulaho, Natanaele aba bulelela mwa ku ezeza. Kono, mubone, neba ezize kusina ku buza Natanaele. Hakuna nihaiba linzwi leli ize kuli ne ba buzize Natanaele. Susumezo kaufela, lika zetuna zene sweli ku ezahala! Mi, mawi, Ni hupula pina yani, "Halu, muine . . ."

Ni tuse, Mulena, lipilu ha lisweli kutuka,
 Tuhela kuli ni kokobeze muikuhumuso wa ka
 (kuli ni zamaye ni babañwi ba kubona), ni
 nze ni bisa Libizo la Hao;
 Usike wa ni luta ku itingeta ku se ba eza
 babañwi,
 Kono mwa tapelo fela ni libeletele kalabo yezwa
 ku Wena.

Mwabona, cwalo kona mo ku inezi. Tuhela kuli ni si bone ha si ezahala ka nzila ye lukile, mi si ka lumelwa.

¹²¹ Cwale, Mulimu na patuluzi taba ku bona ka Davida, ni ka ba buleli, ni ka batu, ni ka bazamaisi ba likiti, ni bo kapitao baba mianda, kono isiñi ka Natanaele yana nani KISONA SA BULELA MULENA. Mi Mulena na bulezi kuli hakuna Sa ka eza konji A si bonise ku mupolofita wa lusika lwani, pili, sa ku eza. Mwabona se ne ba ezize? Neba zwile mwa Linzwi la Mulimu, ba yo beya areka mwa kocikala yenca. Mwabona? Kacwalo ba yo eza kusina taelo ya Mulimu ni nzila ya na lukisize Mulimu.

Mi sani kona se si ezahalile kacenu, balikani. Ki kabakaleo lubile ni mikopano ya likundi ye miñata hahulu yemituna, ni zeñwi cwalo, mi hakuna ze zwa mwateni. Ku sa sepana ko kuñata mwa manyalo, sibi sesiñata, buñata . . . Na mi bulelela, naha ye i icongile; ha ki naha ye fela, kono ni linaha zeñwi. Naha ye, sina England ya lusika loluñwi, ibile lihule la linaha zeñwi kaufela.

¹²² Ku kalela koo kwa Mozambique, limaili ze mianda yemine ni mashumi a eiti buhule ni zwelopili, mwahala mushitu, bana baba ipanguzi ba teeleza ku Elvis Presley, banze ba nyanganyisa litoho za bona fahalimu nifafasi sina cwalo, busihu kaufela, ni kuina . . . Kamba, tulimba totu cwalo tu kona ku fumaneha

ka limaili ze wani sauzande, ku yo kena mwa Rhodesia, ku yo nga Elvis Presley. Mi kono niteni ba bulela kuli, "Ki mulapeli yomutuna hahulu, yena ni Pat Boone, ni babañwi." Kiñi, ki bona bo Judasi ba kacenu, mi ha ba zibi. Sani kona siemba se si maswe, ba lumela kuli ba lukile—ba lukile.

Kana Jesu na si ka bulela kwa Keleke ya Lusika lwa Laodesia ye kuli, "U mapunu, u mwelwa, u mubotana, u sibofu, kono ha u zibi"? Ha ba zibi!

¹²³ Kihande, banana ba Pentekota kwani kwa Africa ni libaka ze fa kaufi, bali, "Kihande, Elvis Presley, u opelanga zende kufitisisa ku ze mukile mwa utwa fateni." Hakuna ku kakanya kono ki sona sana ezize Davida, ni yena; hakuna ku kakanya kono ki sona se ne ba ezize baopeli, kono ne si tisize kuli lifu li ba wele. Mwabona fo ba zamaela, ki kai fo lu inzi kacenu, balikani?

¹²⁴ "Maheta a Malivi," neli yona nzila ya pili ya Mulimu ya kueza lika. Mi ne ba i beile mwa kocikala yenca. Cwale, haina ku beleka. Neba si ka buza ka nzila ye lukile. Mwabona? Kacwalo ba zwela kwande, ka zona, mi ba ya ka zona mwa nzila ye fosahalile.

¹²⁵ Mi sani kona se si ezahalile kacenu. Ki foo batu, hakuna taba kamba bana ni ciseho cwani, haba ka lika ku Mu ezeza sebelezo yeli kwande a nzila ya Hae ya tomile kupatulula ka yona, kamita bakana ba lyanganisanga ona cwalo. Mulimu u li tomile ka nzila ya Hae. Batu, hakuna taba kamba mu sepahalile cwani, hamuka lika ku ezeza kwande a sani, muka—muka si lyanganisa.

¹²⁶ Kuswana sina Balami mwa na inezi, mwa lizazi la Balami. Mulimu na bulelezi Balami, mupolofita yani. Nali mupolofita, mupolofita Balami. Nali mupolofita, mi Linzwi la taha ku yena handende, ali, "Usike wa zwela teñi kwani. Sani kona se si ketilwe sa Ka. Yani kona keto ya Ka."

Mi Balami aya ni baituti babatuna, baana ba sisole, bakutazi, baana baba tozizwe, mi bali, "Kihande, Nika—Nika mi bulelela, mulena uka . . ."

Mwabona, ka ku zamaeleta fela ni Davida, ku zamaeleta ni kacenu. Munge fela lika kaufela mwa mufuta, mi kipeto mu ka li bona. Mwa si bona nji? Muli, "Amen." [Puteho ili, "Amen."—Mu.] Mwabona, mwabona, kuswana fela ni mo kuinezi kacenu.

¹²⁷ Kono muuna wa lituto ali, mu—mu—mu muprisita ubulezi kuli, bañoli ba bulezi kuli, baituti ba za bumulimu baize kuli, "Cwana kona mo ku lukela ku ezezwa." Kono, ne si cwalo, mi ne ku bonahalile kuli ne kusi cwalo.

¹²⁸ Mi Mulimu a bulelela Balami, mi yena nali mupolofita, pili, Na mu bulelezi kuli, "Usike kwa zwela kwani."

¹²⁹ Kono kabubo ka baana babañwi ba ka mu tiseza kueza ka ku shutana ku sa na bulezi Mulimu kuli aeze, mi sa to ba sikuto mwa kufita kuba ancafalo. Oh, luli, ki ha zwela teni

kwani mi ayo luta sicaba, ali, “Cwale mulibelele! Mwa ziba kana?” Ali, “Luna lu—luna lu ma Moabi. Mwa hupula, mwana Lota wa musizana ki mukwae wa luna. Ki yena musimululi wa luna. Luna kaufela lu ba mali alimañwi. Luna kaufela... Kaufela luna likopano lwa swana.” Musike mwa ikopanya kwa lika zani. Muinele kwahule ni zona. Mwabona? Kacwalo ki hali, “Luna kaufela lwa swana. Kiñi, sicaba sa hao siswana sina sicaba sa ka. Lwa kona ku nyalana mwahala luna, alimuñwi wa luna, konakuli lwa kona kuba ni katengo kaniti ka swaliso. Mwabona? Kaufela luna lwa kona ku kopana hamoho ni ku kutela kwa sina sa makalelo hape.”

Mulimu na kutile taba yateni. Sibi sani ne si sikabe si swalelwā mwa Isilaele. Ne si pilile ni bona mwa mazazi abona kaufela. Ne si si ka swalelwā. Ne ba yundezi mwa lihalaupa ni sona. Yani ki niti. Kakuli ne ba si ka nga nzila ye lukisizwe ki Mulimu ka mutomo wa Hae wa na lukisize mwa ku ezeza.

¹³⁰ Mulemuhe, taba ye yene ba ezize ne itiselize Isilaele kushwa ka lifu, mwa lihalaupa. Mi Jesu ali, “Kaufela bona ba shwile mi ba yundile.” Mutualime yo neli yemi ni yena ni Mushe kwa mulaho kwani, Joshua ni Kalebu, mwa—mwa tukiso yani.

¹³¹ Mulemuhe hape, ki yo Davida fa, sa na ezize. Mi hana ezize cwalo, ki sikamañi sene si ezahalile? Ne si tisize lifu ku to wela mutu yana sina mulatu.

Cwale, Ni sepa kuli ba lu utwa mwa mihala, mi Ni bata kuli mina kafoo muikutwele linaha ko liya ko likuwa.

Taba ya na ezize Davida ye kwateni, kusina ku buza Natanaele ni kunga Linzwi la Mulena ka sona, ne si tiselize lifu la sicaba se si sepahala. Eeni, sha. Na beile lizoho la hae kwa pata, kone lipilanga yana nza pila mwa kubateni kwa areka; ne li zwelezi mwa—mwa ndu ya hae. Mi kocikala se i sitatala, mi areka ne i bata kuwa.

¹³² Ne se ba ezize kale taba iliñwi ka ye fosahalile, lika zepeli ze fosahalile. Pili, ne ba si ka buza Natanaele. Taba yetatama yene ba ezize, ne ba ikezi fela kwani kusina ku buza Linzwi la Mulimu. Ili, yena... Samuele neli yena Linzwi mwa lizazi lani... Mi na si ka buza Linzwi la Mulena. Kasamulaho, ha ne ba ezize, ne baile ku shutana ni Linzwi la Mulimu.

Mi fa ki yo muuna yomunde, ya na bile mubabaleli wa sibaka, neli mbishopu, a hupula kuli, “Kihande, fa, Hani lati kuli Mulimu a swabisiwe,” kacwalo abeya lizoho la hae fa areka. Kanti, yena na si Mulivi, mi ki ha shwa. Lika zetalu!

¹³³ Cwale munahane hande luli, mi mubone seo likopano liezize kacenu. Mwabona, ba Li hanile, ku Li biza “tuto ya buhata.” Mwabona? Mutualime fo ba inzi. Baka ba ni katengo ka bona ka kutwano, ku lukile. Ku Li biza kuli “kubala minahano,” fani Mulimu yena Kasibili ha Li paka kuli ki Niti, ni ku bonahalisa

kuli Ki la Niti. "Oh, ki sishañata fela sa likuba ze li kwani," ba bulela kuli, "ha ba zibi ze ba bulela fateni."

Yani ki niti, halu zibi. Kono lu bulela fela Manzwi a Hae, mi Wa ziba Sa sweli ku ambola ka sona, mwabona. Na hani koni ku Si talusa, hakuna mutu ya kona, kono Yena—Yena—Yena wa Li paka.

¹³⁴ Cwale mulemuhe. Mulumeli ya sephahala wa kacenu, ya taha ku Kreste, ya tabela kutaha ka pilu ya hae kaufela, u bulaiwa ka moyo ka mufuta o swana. Baana babañata baba sephahala ba yanga kwa keleke ya Katolika mi ba bata kuba Bakreste, ba ya ku ba Methodist, kwa Baptist, kwa keleke ya Kreste, mane ni kwa Mapentekota, mwabona, mi ubata kuba Mukreste, ubeya lizoho la hae fateni, uikopanya ni bona.

¹³⁵ Mi cwale Davida hana boni taba ye ha i ezahala, ya mu nyunga. Musike mwa zuhanga singomba kwande koo, muzwale. Na boni kuli lifu ne li wile.

Muni bonise libaka. Ki kabakalañi ze bizwa kuli ancafazo, ha i kutiseza sicaba mwa likeleke, zeo liezize kwa linaha, ni kwa—kwa mubili wa balumeli? Ha ki zeñwi kono li ezize fela tutengo ni likopano, musipili o kaufela, mamebala babañata ni zeñwi cwalo. Kana naha seli yende nji? Ne ba bulezi kuli ne ba ka . . .

¹³⁶ "America. Mulimu afuyaule America. Ki—ki naha, ki naha ya Bukreste."

Ki limaili ze milioni buhule kwa kuba naha ya Bukreste. Na mane hani ilapelelangi. Kana Ni ka i lapelela cwani, mi mane i tokwile ku baka mwa mata amatuna a Mulimu abonahalile ku yona; ni ku latula, ni kukwala minyako ku Ona, ni ku ikela? Ni i beya ku Mulimu. Mi isweli kuya kwahule hule. Mi cwale ikatiba. Mu talimele fela se si ezahala.

¹³⁷ Batu babañata baba sephahala ba i kenya mwa likopano, kamba sikhata, kamba milao ya tumelo yeñwi ye cwalo, mi kipeto ba shwela mwateni, ka moyo. Ha mu koni ku ba buleleta sika. Ba ikungela lika zani ku ipeya ku bona, "Kiñi, ma mbishopu ba ne ba bulezi cwalo. Mi *yo* na bulezi cwana, *yo* ubulezi cwana." Mu ba bonise ona mwa Linzwi la Mulimu mo kuli KISONA SA BULELA MULENA. "Kono mulisana wa luna . . ."

Hanina taba ka sa bulela mulisana wa mina, musike mwa isezanga pilu ku se Ni bulela, kamba mutu yomuñwi kaufela sa bulela. Haiba nji sa shutana ni Linzwi la Mulimu le li pakilwe, hola, nako, Liñusa, ni zeñwi cwalo, mu libale ze cwalo. Muinele kwa hule ni zona. Mi Ni lukela ku yo yemela mutu ni mutu wa mina mwa Lizazi la Katulo, mi mwa ziba cwalo. Mi ha Ni koni ku ipulelela fela zeo, ka kuziba kuli Ni muuna muhulu cwale. Ni ka . . . Haki kuli Ni ziba lika, kono Yena wa ziba. Ni latelela fela sa bulezi Yena.

¹³⁸ Mutualime kacenu fa mikopano ya likundi ye lubile ni yona mwahala naha. Ku pakilwe kuli ibile mwa mbango. Mi kana Jesu na si ka bulela fa cwale, Luka 7:7, “Ba Ni lapela fela mwa mbango”? Neli mwa mbango fela Davida ha na nanuzi areka ku ishimbulula. Neli mwa mbango fela Akabe hana lutile bapolofita bani. Neli fela mwa mbango Balami hana ikungezi masheleñi ani. “Ku luta sicaba Tuto litaba za batu.” Ki litaelo za Mulimu ze li butokwa, hakuna taba kamba sibi-…

¹³⁹ “Batu bani luli ba sepahala.” Mu utwile zeo linako zeñata hahulu, “Ki baba sepahala hahulu.” Sani ha si talusi sesiñwi. Lipaki za Jehova, Balumeli ba lizazi labu Sebene, ni milapelo yani kaufela, bazwela kwande kwani mwa mikwakwa ni kueza lika zeo alimuñwi wa luna mo upalelwa ku eza. Ma Katolika ba yema mwa makozwana ni ku kombelela, ni zeñwi cwalo, milao yateni yani sina cwalo, mi ki mabilioni ni mabilioni ni mabilioni a madollar, ba sa kupelela. Ba sepahala, hakuna ku kakanya. Likeleke za ya mi—mi li yo kutaza, ni zeñwi cwalo, mi bakutazi ba yema fa katala ni kueza lika kaufela ze bakona kuli ba kenyé ma membala ba banca mwa keleke ya bona; kono ki areka yenca.

Kuna ni fela Areka iliñwi ya ku latelela, yani, ki Linzwi la Mulimu. Kaufela se si shutana kwa Areka yani, muinele kwahule ni sona! Ki mwa kocikala ye nca, mi isiñi fa maheta a Mulimu. Luli. Muinele kwahule ni sika seo. Musike mwaba ni sa kueza ni sona.

¹⁴⁰ Mikopano ya luna yemituna ya likundi, mabilioni ni mamiliioni ba ipulezi ka ku baka. Mi Ha ni sepi kuli ku kaba nihaiba baba mwanda ba bona, ba bona kaufela. Mwabona, yali kuba ibe taba ni yekana.

Mi cwale mutualime fa sepiso ya Linzwi.

¹⁴¹ Muka nahana kuli sani si palezwi, mi lu ziba kuli si palezwi. Babañwi ba ancafazo ba luna babatuna hahulu ba—ba mwa naha kacenu ba bulela kuli lipalezwi ka ku felelela. Keleke ya ziba kuli lipalile. Mañi ni mañi uziba kuli lipalile. Kihande, ki kabakalañi hakuli cwalo? Kiñi ha lipalile?

Neli ka mulelo omunde. Neli kutisa sicaba fapila Kubateni kwa Mulimu, mikopano yemituna. Mi mamilioni a batu ba sinyize masheleñi a bona, ni kubeya mikopano yemituna mwatereni. Mi likeleke kaufela li zamaile hamoho, miyaho yemituna, ni lika zetuna, mane lika zetuna liezahalile. Kiñi ha li palile? Libaka ki kuli ne ba si ka ziba hola yene ba pila ku yona.

Ki kabakaleo Jesu na yemi, mi mwa pilu ya Hae A lila. Mioko ya buba fa malama a Hae, mi A bulela kuli, “Jerusalema, O Jerusalema, Ni ka nga nako yekuma kai ni nze ni ku bukeleza sina nasikuku kwa tuzwinyani twa yona. Upwacauzi ka macwe mupolofita kaufela ye Ni lumezi ku wena. Kono ha ulati. Kono cwale nako ya hao ifitile.”

¹⁴² Kikuli ha mu utwi Moya o Kenile unzo huwa ku mina? “Oh, United States ni lifasi, Ni ka nga nako yekuma kai ni nze ni mi kopanya, kono ha mulati. Cwale hola ya mina itile. Mulimu wa mina wa minyaka, mulimu wa mina wa masila, mulimu wa mina wa Sodoma ni Gomora, utile mwahala mina.” Mane nihaiba bana ba luna ba banyinyani, mikukulelo ya milili sina kambombo ni kupazauha mwa lipata, ni kulyangana nyana ko ku iponahaza. Bahame ba luna ba icongile. Lifitelezi piliso. Ba handate ba luna bafetuhule sina basali babatuna, ba zamaya banze ba tinile tuputula, totunyinyani cwalo, ni kueza sina musizana, mane ni milili ya bona inze i lepelela mwa milala ya bona. Ni luna lu ma Sodoma, mi mulilo ni buhali bwa Mulimu li lu libelezi.

¹⁴³ Mwa ziba Mwa ka bulaela, ka mo A ka li sinyeza? Ki ka nzila Ya bile aezanga kamita. Lihule hane liezize taba ye fosahalile, na pobaulwa ka macwe kuisa lifu; ne ba nopanga macwe ku bulaya musali ya nali lihule cwalo. Kona mo A ka bulaela ni keleke. Bibebe ibulezi kuli Uka nelisa pula ya macwe kuzwa kwa lihalimu, ani akaba ni bukiti bo bu likana ni lipaundi ze mwanda licwe ni licwe, mi Uka ba pwacaula. Ki mañi ya ka Mu hanisa? Ki sayansi mañi ye ka bulela kuli hali koni ku ezahala? Uka eza cwalo.

Ona cwalo Mwa kile a ezeza areka ni ku cimbaukisa Nuwe kusina butata, Uka eza cwalo hape kwa Keleke ya Hae.

Mi ka milao ya Hae Luli ni nzila ya Hae Sakata, Uka pwacaula lihule lani leli ezize buhule ni malena ni bazamaisi ba litopa ze mwanda ni litopa ze likiti. Uka mu pobaula kuisa lifu, ka milao ya Hae Luli ya Na kile atomo. Ki mañi ya ka Mu bulelela kuli Asike kunelisa pula ya macwe?

¹⁴⁴ Mubuze mutu kaufela ya ziba liloteli la pula mo li kalelanga. Mi lipanga sikwenda, ni ku kuta mwa mulaho kupanga bukiti; li ba lelituna ni lelituna ni lelituna, kufita li ba ni bukiti bobuñwi, mi kipeto la wa.

Yena, Mulimu, Yo...bukiti ne bu si ka Mu hohela fafasi, mi A ngelwa kwa Lihalimu. Mulimu, Yena ya na bupile mata aku wiseza lika fafasi, wa kona kueza kuli mata amatuna ani a pikuluse licwe kufitela li ba ni bukiti ku likana ni lipaundi ze mwanda. Na bulezi kuli Uka eza ona cwalo, mi Uka eza luli. Ki mañi ya ka Mu bulelela kuli asike kueza cwalo? Uka eza sani, kakuli Na bulezi kuli Uka eza.

¹⁴⁵ Lu mwa mazazi a maungulo. Lu yemi bukaufi ni katulo. Kiñi? Ba lika kuca manna ya kale yene iwanga lilimo ze mashumi aketalizoho kwa mulaho, ba keleke ya Pentekota. Ba keleke ya Kukena balika kueza cwalo, kwa myaha ye mianda yemibeli kwa mulaho. Ba Lutheran, bukaufi ni mianda yemilalu, kamba kufitelela, kwa mulaho, myaha ye mianda yemiñata kwa mulaho. Ba lika kuca manna ya kale. Oh, muzwale, lika zani li inelezzi. Li shashize. Li ka...Lina ni ku—lina ni ku...Kiñi, Ni bulelanga

kamita kuli, ki mawili-wili ku zona, mabuku. Li ka mi bulaya, kuli mu li ce.

¹⁴⁶ Mu batisise haiba Davida kamba yomuñwi wa bona kaufela ne ba ka buza Sinkwa sa hola yani.

Kambe baprisita, ni bapolofita, ni bakutazi, ni baituti ba litumelo za bumulimu, ni likolo, ni likopano, neba ka buza fela hola! Kono cwale halina ku ba eza bunde ni hanyinyani. Ne se li zwile kale. Halina kutusa ni hanyinyani. U ile uicongile cwale. U sa silile museto wani myaha ye ketalizoho kwa mulaho, mwahala ku baka, katulo ni sishemo.

¹⁴⁷ Mulemuhe, ki sikamañi cwale? Ki likamañi ze kona ku ezahala? Ki sikamañi se si lukela ku ezahala? Halu buzeñi mupolofita, yona Bibebe, ko lu sa koni ku ekeza kamba kuzusa Teni. Haiba lu eza sani, Mulimu uka lu zusa mwa Buka ya Bupilo.

Bibebe i bulezi cwana, mwa Malaki 4, se ne si ka ezahala kacenu. Sinulo 10, ka mo Maswayo a Supa na ka kwaluhela ni ku patulula likunutu ze kamukana zene patilwe mwahala baongaongi ba evangeli! Na bulezi mo ne li ka ezahalela. Li mwa Bibebe, KISONA SA BULELA MULENA. Mulimu ka kupetahala, u bonahalize sani hande; ni ku Si paka kuna sa Niti, ka lisupo, ze komokisa mwa lihalimu, mwa mbyumbyulu, ni lika zeñwi kaufela, ka lilimo ze mashumi amalalu ka zetalu.

Mu nahana kuli ba ka Li teezea nji? Batili. Ba shwile. Ba beile lizoho la bona ku sesiñwi se si bulaire lika kaufela. Batili, halina kuba; halina kuba, hakuna ni kamuta.

¹⁴⁸ Neli fani taba ye hane i ezahalile, yana boni Davida. O Mulimu, aku lu lumele Davida ya kona kubona fa yemi, ya kona kutalima kwande ni kubona Mulimu yana file sepiso ku ya, ka mwa Na ka ezeza kacenu. Mulimu na bulezi hande ona mwa Linzwi la Hae mo, mwa Na ka ezeza zani.

¹⁴⁹ Mulimu abulelela Mikaya. Mikaya na tatubile pono ya hae fapila bapolofita baba mianda yemine bene ba zibahala. Na tatubile pono ya hae kubona haiba ne i lukile. Na talimile kwa mulaho ku sa na bulezi mupolofita yena asika ba teni kale, ku bona sene si ezahalile. Na talimile kwa mulaho, mi abona kuli Elia na yemi fani, ali, "Akabe, linja li ka kapa mali a hao, ni wena." Cwale, na boni cwale kuli pono yani ne i zamaelela hande ni Linzwi la Mulimu, kacwalo a i bulela. Mi na lukisize. Luli. Hakuna taba ze ne ba bulela babañwi, na inzi hande ka Linzwi lani.

¹⁵⁰ Cwale halu talimeñi fa pono ye luna ni kacenu. Ki kuyaha likeleke nji; kana ki lika zenza nji; kana ki lika zetuna nji ze ka ezahala? Kamba, ki katulo nji? Muitemune mi mubone sepiso ya kacenu, mubone mwaha o lupila ku ona.

¹⁵¹ Mu li, “Kihande, kufuyolwe Mulimu, muzwale, Ni sephahalile. Ni i kopanyize kwa keleke. Ni ipumanezi pampili yetuna ya sikhala. Ni ezize sa *kuli*.” Yani ki niti, fo ku hande, hakuna se si nyazahala ka sona; kacwalo ni Davida ki mwa na inezi, ku cwalo ni baprista ba lizazi lani, kona mo ne babezi ni baituti ba lituto za bumulimu. Kono ne li shutana ni Linzwi.

¹⁵² Mulimu na bulezi mwa Na ka ezeza kacenu, mwa Na ka kutiseza lika kamukana, sa Na ka eza hape. Na sepisize ku kutiseza. Yani ki niti luli. Mwa Joele 2:28, Na sepisize kuli Na ka kutiseza. “Ni ka kutiseza,” ku bulela Mulena, “myaha kaufela ye cilwe ki nziye.” Bana ni zep-... Mwabona, sani ki sibuku se siswana; si inzi mwa mufuta usili wa bupilo. Mi cwale Bukatolika hane bu kalile kuca, se kutaha ba Lutheran, ni Methodist, ni Mapentekota, ni bani kaufela, ku shetumuka; Na ize, “Ni ka kutiseza lika kaufela kukuteka mwa Keleke yeswana sina ye ne liteni kwa sibaka sapili.”

¹⁵³ Mutualime pono ya busihu bobuñwi. Neli Munyaliwa ya swana yana taha kwa neku *le*, na taha neku *le*. Kasamulaho wa sani mahule ba fita ni mikango ya bona, lika za bona za kale mwa halimu sina *cwana*, ni kubina za rock-ni-roll, ni kuipiza ilibona kuli Keleke.

Mu li, “Kihande, ha lu ezi cwalo.”

Cwalo kona mo ami bonela Mulimu. Ha ki mo mu iponela mina bañi. Ki mwa mibonela Mulimu. Hakuna mutu ya iponanga ka mafosisa. Ha mutualima mwa siiponi sa Linzwi la Mulimu, La mi bulelela haiba mufosize kamba nee. Kambe Davida na ka eza sani, na ka bona mafosisa a hae. Kambe Akabe na ka eza sani, kamba bapolofita bani hane ba ka eza sani, ne ba ka ipona kufosa bona bañi.

¹⁵⁴ Mupolofita ya pakilwe na bulezi kuli, “Akabe uka shwa, mi linja li ka kapa mali a hae.” Mi sipolofita sa hae ne si zamaelela ni Lona. Mi a ziba kuli na lukisize. Neba Jehoshafati na lukela kubona sani ni ku si lemuha. Fani Mikaya hana boni pono, na si yo ni batu hahulu mwa mazazi ani, kono nana ni KISONA SA BULELA MULENA. Na lukisize.

¹⁵⁵ Mulemuhe, lu tisa sika se cwale mwa lizazi le, halu bona hola yetuna ye taha.

Mulemuhe sa na lika Davida, ni yena. Ne ni na ni kapampili nyana ku sani. Na lika kutisa areka kwa munzi wa Davida, kopano ya hae luli.

¹⁵⁶ Mutualime kwa mulaho kwani fani Mulena ha na bulezi kwanu kwa nuka, “Sina Joani Mukolobezi ha na lumilwe ku etelela kutaha kwapili...”

Muzwale, ba Assemblies ne ba si ka yemela sani, ni bona ba United ne ba palezwi, kaufela bona. Neba na ni kuba ni alimuñwi kokuñwi. Ah, kaufela bona neba na ni kueza sani,

mwabona, ona cwalo fela. Kaufela bona neba na ni kutisa kwa ndu ya bona.

¹⁵⁷ Na bata ku itisa mwa munzi wa Davida. Kiñi? Ne ku sina sibaka sa yona sene si lukile.

Mi lani kona libaka hamusa koni kutisa Liñusa kwa kopano. Linzwi, Areka, Kreste, “ya swana maabani, kacenu, ni kuyakuile,” ni ku pakiwa kwa Hae kaufela, hamukoni ku Li tisa kwa kopano ya mina. Habana ku Li lumela, kakuli hakuna sibaka sa Lona. Kana Bibele haibuleli kuli Nali kwanda keleke ya Lusika lwa Laodesia, inza lika kukena mwahali?

Neku sina sibaka mwa munzi wa Davida, hakuna taba kamba neli ze likute cwani, ni ka mo ne li bezi zetuna, ni—ni zeñwi cwalo. Ni cwalo nekusina sibaka. Ne iya kwa Jerusalema. Kwani kona ko ne i lo ya kasamulaho, mi mupolofita hana ba bulelezi sa kueza ka yona. Mwabona? Kacwalo Davida nana ni ku itisa kwa munzi wa hae tota. Ne ku sina sibaka sa yona sene si lukile.

¹⁵⁸ Kreste ki yena Areka ya luna, mi habana ku I amuhela. Kreste ki yena Linzwi; habana ku Li amuhela. Ba bata lituto za litumelo za bona, likopano za bona, areka yenca, kamba—kamba koloi yenca. Ba bata kuli kopano I ilwale; areka yenca. Huh!

Muhupule, Kreste ki Areka ya luna! Mwa lumela kuli Kreste ki Linzwi? [Puteho ili, “Amen.”—Mu.] Yani kona Areka, he. Kana ki niti yeo? Ku lukile. Kreste hakoni ku shimbiwa, kutisiwa fa sibaka sa Hae se si lukile, ka ku itusisa kocikala ifi kaufela ya kopano. U ambolanga ni mutu alimuñwi, mi isifñi ni sikuwata. Ali kuba a ambole ni sikuwata; mutu alimuñwi. Fani, ha Na bulezi kuli Hana kueza. Kambe Na ka eza, Na ka kananisa Linzwi la Hae, Amosi 3:7. Hamukoni ku I eza kuba buhata. Batili, sha. Ki Niti.

¹⁵⁹ Kono, mwabona, ba lika. Areka haikoni ku lwaliwa ki kopano. Kuna ni litoho zeñata hahulu ku yona. Mwabona? Hali koni ku ezahala. Na sepisize kuli Hana kueza cwalo, mi luli Hana kueza cwalo. Na ize... fani ha Na sepisize—kanti Na sepisize kueza ka nzila yeñwi fela? Ki ka bakaleo Na sepisize kuli ha Na kueza sani.

Musike mwa nahana mihupulo yecwalo. Na kona ku i utwa. Mwabona?

¹⁶⁰ Kacwalo Na—Na sepisize kuli Uka eza ka nzila yeñwi, mi sika kaufela se shutana ku sani Hana ku si eza. Mwabona? Kono ka nzila ya Hae ya makalelo, kuya ka sa Na bulezi mwa Amosi 3:7, kona mwa Ka ezeza. Mi sani si lukela ku pakiwa ni ku boniswa kuba sa niti.

Cwale, mwa ziba sa Na sepisize kacenu, mi Wa lieza kacenu. Ona sani kona sa Na bulezi kuli Uka si eza. Uka kwalula Maswayo Asupa ani, ni zeo kaufela A ka eza; kupatulula

likunutu kwa mulaho kwani, mi likolobezo ze ni lika kamukana ne li lyangani kaufela zona. Mi ki ze fa, fa Pila Hae luli. Sayansi ya paka cwalo. Mahalimu a li pakile. Mutu ha yemi, inza talima ku zona, ni ku li bona hali ezahala. Hakuna nihaiba nto iliñwi ya Na bulezi konji kuli kaufela zona Uli ezize niti. Ki fo he cwale. Ili kuli mu bone fo lu zamaela kacenu.

¹⁶¹ Kuli mane mutu kaufela yana ni Moya wa Hae, wa ziba; kuli una ni Moya wa Mulimu ku yena, wa ziba kuli Ye ki Niti, kakuli Moya wa Mulimu hauna ku bulela ku shutana ni Linzwi. Batili, batili. Ukaba hande ka Linzwi.

Mu li, “Nina ni Moya o Kenile. Ni huwile; Ni bulezi ka malimi. Ni binezi mwa Moya.” Sani ha si talusi nihaiba nto iliñwi ku Mulimu. Mwabona?

Davida na ezize ze swana, luli neli taba yeswana, kwa mulaho kwani. Neba opezi ka mata a hae kaufela, mi a huwa ka mata a hae kaufela. Babañwi ba bona kaufela ne ba ezize, mi ne ba zamaya ku kena mwa lifu. Yani ki niti. Sani hasina sa kueza ni sona.

¹⁶² Ki Linzwi kona la butokwa, lona Linzwi la Mulena. “Baba libelela ku Mulena.” Eeni, sha. Mwabona, bona baba ni Moya wa Mulimu mwahala bona, ba talima fa sepiso ya kacenu, ba tona ni ku libelela kufitela ba I bona. Mi kipeto bali, “Ki yona Yani.” Mulimu wa I patulula ku bona.

¹⁶³ Sina Natanaele. Filipi naile sa yo fumana Natanaele. Natanaele ali, “Cwale libelela fa muzuzu. Na ziba sani si sepisizwe, kono mutuhele ni Si bone.” Mi ha na Si boni, abulela kuli, “Sani ki Sona.”

Musali abulela kuli, “Cwale, Na ziba, Ni se ni utwile mifuta kaufela ya baituti ba lituto za litumelo. Ni ezize *se* ni *sani*. Mi Ni balile Bibele, na kasibili, mi Ni ziba kuli lu se... Kuna ni Mesia ya taha, yaka to eza lika ze, konakuli U lukela kuba mupolofita wa Hae.”

Abulela ali, “Kina Yoo.”

¹⁶⁴ Musali ali, “A mutahe, mutobona Muuna, yo ki Yena.” Na libelezi kufitela abona Mesia yani yana pakilwe ka Linzwi la Mulimu, mi cwale ali, “Se kona sene lu libelela, myaha ye mianda yemine. Halu si ka ba ni mupolofita kamba kutokwa. Ki yena Yo fa, mi Yena Kasibili Uipulezi kuli ki Yena.” [Hakuna manzwi fa tepu—Mu.] “...mutahe kwanu mu to bona Mutu Ya ni bulelezi lika ze Ni ezize.”

Kono baprisita neba bata ku Mu bulaya, mi kwa nalulelule ba peta cwalo. Mwabona?

Kono ha bakoki ku bulaya Moya wa Hae kacenu. Yani ki niti. Batili, ha bakoni ku U bulaya. Ne uli fa kuli ulutise mwahali, kacwalo lu itumezi. Mulemuhe Mulimu mwa bezi yomituna, mo misebezi ya Hae ibezi yemituna, mo isa ikoneli kupalelwa!

¹⁶⁵ Cwale, Mulimu una ni nzila ye lukisizwe mi ya pili ya kueza lika ka yona, mi ha Na kueza ku shutana ka yona.

¹⁶⁶ Cwale Na sepisize mwa mazazi a mafelelezo sa Na ka eza. Mi No ba lumile, luna Liñusa; mi Liñusa le likaba ni ponahalo yeswana sina Elia mwa na inezi, sina Elisha mwa na inezi, sina Joani Mukolobezi mwa na inezi. Mi Likia fetula lipilu za batu, isi ku balsa kwa kopano, kukutela kwa lika za makalelo, bashemi baba apositola, ku kutela kwa Linzwi. Likia ze mo li se li pakezwi. Kuli mane ka muhuwo wa lingeloi la mafelelezo, Sinulo 10, “Mwa mazazi a lingeloi la bu sebene, likunutu ze kaufela ze bile teni . . .”

“Ki kabakalañi ba Methodist hane ba ezize *se*, ni ba Baptist, ni ba keleke ya Kreste, ni ba Lipaki za Jehova, kaufela ba eza *zani*? ”

“Likunutu zani li ka patululwa mwa lizazi la mafelelezo, fani lingeloi la bu sebene . . . Liñusa la lingeloi la bu sebene, hane li . . .” Isiñi ha li ka kalisa taba ye, kono, “Ha ka kala ku patalaza Liñusa la hae.” Mwabona? Isiñi lilimo mwa buitukiso, kono, “Ha ka kala ku patalaza Liñusa, likunutu ze konakuli li ka patululwa ka nako yeo.” Mi ki ze fa; kusina ku li ziba, ni mina sicaba mu lipaki za teni.

¹⁶⁷ Mi cwale mwa temuho tuna yani, kuli lifasi libe kusina sika, ba sa bilaela sene si ezahalile. Mwa Tucson, litemuho zetuna zani ne li kopile siswaniso sa yona mwa halimu mwani; ba sa komokile se ne si ezahalile. Ki sikamañi sani? Ba sa beya mwa mitende, “Kana kuna ni ya ziba sesiñwi ka, mo ne si ka ezahalela?” Hakuna mbundu mwa halimu mwani, hakuna moya, hakuna puka; limaili ze mashumi amalalu mwa mbyumbyulu. Oh, mawi!

“Kuka ba lisupo mwa mbyumbyulu. Mi cwale lika ze ha li ka ezahala, lizikinyeho za lifasi mwa libaka ze shutana, mi kona ku ka taha sisupo mwa lihalimu, sa Mwana mutu.” “Zazi lani,” mwa Luka, “Mwana mutu uka i patulula Iliyena hape; inza patululwa, yena Kasibili.” Mi lifasi li ka bonahala sina Sodoma ni Gomora. Oh, mawi!

Banabahesu, musike mwaba baba tokwile zibo ya lika za moya, mwabona. “Mubale Mañolo, kakuli ku Ona munahana kuli Kuyakuile, muna ni Bupilo Bobusafeli; mi ki Ona luli A paka Linzwi.” Ki Ona a paka za Niti, ona lika zeo Mulimu asweli kueza mwa hola ye.

¹⁶⁸ Mi cwale ki sikamañi? Bona babana ni Moya wa Mulimu, ba libelela lika zee. Mi ha ba bona lika zani, ba li lumela lika zani. Jesu naize kuli, “Hakuna mutu ya kona kutaha ku Na haisi kuli Ndate Yena kasibili amubize. Mi bao kaufela Ndate ba Ni file,” Ki yena Linzwi, “ba ka taha ku Na. Ba ka taha ku Na.”

¹⁶⁹ Ni bile ya halifile nyana kakusasana cwana, mwabona. Ba libelela ku Mulena, ku libelela; mi haba libelela cwalo, ni kubona

sepiso yani ya kacenu, hanze i bonahazwa, i incafaza tumelo ya bona mwa Linzwi la Hae. Kakuli, Na sepisize kueza sani, mi fa U sweli wa eza. Konakuli hakuna ku kakanya. Mulimu ha bulela. Linzwi la Hae, pili, wa bulela. Mi cwale Moya o Li tisa u eza lika ze swana zeo Linzwi neli bulezi kuli Li ka eza.

Oh, luna ni malikanyiso amañata hahulu. Lukana luba ni buñata bwa ona cwalo, baana ba lipilu ze sepahala balika kueza lika ka nzila *ye* ni ka nzila *yani*, kono mutualime sene si ezahalile. Batu ba ka beya mazoho abona, mi kutuha fo kipeto—kipeto ba shwa. Mwabona, mulemuhe.

¹⁷⁰ Hakuna milelo ya mutu wa kopano yekona ku beleka, kuba ni ma membala mwa likopano za areka ye ba ipangezi bona bañi. Mulimu na si ka ba fateni ni kopano. Ha na kuba fateni ni kopano ni kamuta. Mi kakuli ki nto ya ipangezi mutu.

¹⁷¹ Mi Na komoka, kacenu, haiba kuli lipizo za luna ni mikopano ya likundi zetuna, haiba ha lu si ka taza areka ya Methodist, areka ya Baptist, areka ya ba Presbyterian! Kono kucwañi he ka Areka ya Kreste, lona Linzwi?

Mi haiba Munyaliwa ulukela kuba Linzwi, konakuli U lukela kuba wa Kreste, siemba sa Munyali. U lukela kuba Linzwi; Linzwi isiñi la lizazi la Hae; kono Linzwi la lizazi le, lona la Na sepisize kuli ikaba lizazi le, kuli Na lumile Linzwi la Hae kuli libupe Munyaliwa wa Hae ni ku Mu eza. Ni sepa lwa bona zeo! Musike mwa ba ni mihupulo ya mina bañi cwale, mi musike mwa ikungela muhupulo wa mutu yomuñwi. Munge Linzwi le lipakilwe fa, yona Bibebe. Ya bulela.

Mulimu u sepisize mwa Linzwi la Hae mwa Na ka ketela Munyaliwa wa Hae mwa lizazi la maungulo le. Kana mwa ziba cwalo? Na sepisize cwalo, mwa Na ka ezeza, mi sani ka mulelo wa Hae wa makalelo wa kuketa Kreste, wa kuketa linako, kuketa myaha, kuli mane... Hakoni ku li lateha, ku Munyaliwa wa Hae, kakuli Yena ki siemba sa Linzwi lani.

Hakoni ku I keta ka kopano, kanti Na si ka keta Kreste ka kopano. Kana Kreste natile kwa kopano? Kikuli Na tile ka kopano nji? Batili. Ne ba Mu hanile. Kihande, sani kona se ne i ezize kopano kwani. Mi cwale Ha keta Munyaliwa, kikuli Wa kona kutaha ka nzila yeñwi kaufela?

Kana Na tisize cwani Kreste fa? Ka Linzwi la bapolofita. Ki niti yeo nji? Kana Uka tisa cwani Munyaliwa wa Hae fa? Ka Linzwi la bapolofita.

Kana Na Mu zibahalisize cwani ha Na tile? Ka mutu yana ni moyo wa Elia ku yena, a muzwe mwa lihalaupa. Kana Uka zibahaza cwani Munyaliwa wa Hae? Na sepisize mwa Malaki 4 taba yeswana, fani A si ka sinya kale lifasi, sina mo ne kuinezi mwa mazazi a Sodoma.

¹⁷² Muhupule, Sodoma ne i cisizwe. Ki niti yeo nji? Kihande, lifasi le li ka cisiwa. Jesu na bulezi cwalo. Mi ikaba yona nako, yani, sina Luka kauhanyo ya 17 ni timana ya 30 mo i bulelela, "Mwa mazazi akaba sina Sodoma ni Gomora, mi kihona Mwana mutu ha ka patululwa."

Mi cwale ki sikamañi se si ka ezahala? Kuya ku Malaki, Uka cisa lifasi hape, ni baba lukile (mwa Mileniamu) lu ka zamaya ku hatikela mufuse wa baba maswe. Ki niti yeo kana? Mwabona?

Kacwalo lu kwa maungulo a nako. Lu inzi fa munyako fa cwale, lu libelezi Yena kuli atahé.

¹⁷³ Mulemuhe, Mulimu na sepisize mwa Linzwi la Hae kuli Uka keta Munyaliwa wa Hae ka nzila ya Hae ya pili. Na I ketezi wa Hae. Munyali! Na ibulezi kale ka bapolofita, ni ku luma mupolofita ku lizibahaza.

Mupolofita na bulezi kuli, inza yemi fa likamba la Jordani, "Amubone!"

Se bali, "Ki wena Mesia, nji cwani?"

Alaba ali, "Batili, Ha kina Mesia."

"Ulukela kuba wena Mesia."

¹⁷⁴ "Kono haku Na Yena. Kono Yena u yemi mwahala mina. Mi likatulo za Hae, Ha ni swaneli ku tamulula. Yena Ha kataha, ku to itibahaza Iliyena . . ."

Mi kacenu U yemi mwahala luna, ku Mutu wa Moya o Kenile, u nza iponahaza Iliyena ka butuna bo butuna, utaha mwa Keleke ya Hae, u nza itibahaza Iliyena; kakuli, Yena, mi Munyaliwa ni Munyali ba kaba nto yeswana, usweli ku itibahaza Iliyena. Mi zazi leliñwi mu ka bona kuli Yena ye ne muutwanga mwa pilu ya mina, ni kubona zibahaza ya Hae, uka to bonahala patalaza fapila mina, konakuli mina ni Yena mu Alimuñwi.

Mu kopani ka Linzwi. Mi Linzwi, lene li liteni kwa simuluho, lika kutela kwa simuluho, ili yena Mulimu. "Mi ka zazi lani mu ka ziba kuli Ni inzi ku Ndate, mi Ndate u ku Na; Na ku mina, ni mina ku Na." Haleluya! Ki luna ba fa. Haleluya! Ni tabile hahulu ku Mubona ha nza I kenya mwa butu ona mwahala luna, ni ku bona sa Na sepiselize Linzwi; isiñi seo maikuto a mutu ali sona, ku opela, ni kutulaka, ni kubina. Kono ka Linzwi la Hae, amen, Usweli ku itibahaza Iliyena.

¹⁷⁵ Mutualime, hane ba tisize, ne ba yahile tempele mi ba kenya areka ku yona, Mulimu a kena teni mwani ka Siita sa Mulilo. Amen. Neli Davida ya na sweli kutulaka ni ku huwa, neli baopeli kaufela ni baprisita banze ba zwelapili, hane ba zwile mwa tato ya Mulimu. Kono fani Mulimu hana zibahalize areka mwa sibaka sa Hae ni siyemo, ba si ka kenya kale areka mwahali mwani, se ku taha Siita sa Mulilo si nze si etelela mwa nzila; ku ba fahalimwa mafufa a likerubimi, mi kwa mulaho neli Kukena ko ku fitisia, sibaka sa pumulo ya Hae; Siita sa Mulilo! Mi ni Kanya

ya Mulimu ne ili mwahali mwani, kufitela nak- . . . mane ne ba sa boni nihaiba mwa ku kutaleza. Amen.

Li ka kwala meto a muituti wa za bulapeli kaufela, fami Ha ka tahela Munyaliwa wa Hae. Uka shimbiwa mwa halimu mwahala—mwahala busihu, ona mo ne kuinezi, ku bona. Bona mane habana ni haiba ku Mu bona ha nanuha. Oh, kanya ibe ku Mulimu!

¹⁷⁶ Mulemuhe, Mulimu na sepisize kuli Uka lukulula Munyaliwa wa Hae, ki sikamañi sa Na ka eza. Ne ku kaba Peu. Ku kaba Liseli mwa nako ya manzibwana, ona mwa Aka ezeza lika ze kaufela, ona cwalo fela, mi ka mukwa wa na litomile Yena mwa Testamente ya Kale ni Testamente ye Nca.

Mi ha ki ka kopano. Ha ki ka mulao wa luna o lu itusisa kacenu. Lu sweli fela kutahisa lifu. Lu tuhelela sicaba kubeya mazoho ku Zona, ni kuzwa ku zona. Mwabona?

¹⁷⁷ Linzwi, ona Liñusa la manzibwana, lilukela lu lwala linepo za manzibwana. Liñusa la manzibwana lilukela kucala Peu ya manzibwana, isiñi peu ya kakusasana. Peu ya manzibwana! Ki niti yeo nji? Ponahazo ya mwahala lizazi, lipeu za lona kwa mulaho kwani, neli za kopano; ne i shwile, ku yunda. Kono Liñusa la nako ya manzibwana lika bonisa Liseli la manzibwana, lika bonisa linepo za nako ya manzibwana; Liñusa la nako ya manzibwana!

Nako ya Jesu, liñusa la musihali tuna, ne li bonisa linepo za musihali. Liñusa la makalelo neli bonisize linepo za makalelo, ku bupa pupo. Na ezize Mwana Hae mwa sibupeho sa Hae Luli, katwa ka malumba musihali. Mwa nako ya manzibwana U eza Munyaliwa wa Lona. Mwabona? Ka sikamañi? Linzwi la Hae.

Kana Na ezize cwani lifasi? Kana Na libulezi cwani ku to bateñi? Ka Linzwi!

Mwana Hae neli Mañi? Neli Linzwi! “Kwa simuluho neku na ni Linzwi, mi Linzwi nali ku Mulimu. Mi Linzwi a ezwa nama mi ato yaha ku luna.”

Kana Uka nga cwani Munyaliwa wa Hae? Ka Linzwi; isiñi ka kocikala yenca, isiñi ka muhupulo wa muituti yomuñwi wa za bumulimu. Kono kuya ka Linzwi la Hae Uka Mu zibahaza. Musike mwa beya sika sifi kaufela ku Lona kamba kuzusa nto iliñwi ku Yona cwale. Mu Li tuhele fela ona cwalo ka mo Li inezi. Mwabona?

¹⁷⁸ Nako ya manzibwana, Na sepisize kuli Uka patulula, niteñi, ku kwalula Maswayo Asupa aa ni ku bonisa seo likeleke zani neli sina kwa mulaho kwani. Sinulo 10, ni Malaki 4, Luka 17:30, Na bulezi kuli Uka si eza. Cwale lusike lwa li lyanganisa. Lu li beyeni fela hande ona cwalo.

¹⁷⁹ Muni lumeleze, ka kukwala... Ki ze ama, bukaufi ni mizuzu ye lishumi ni i ketalizoho kuli twelufu i kwane. Mutuhele ni kwale, ka ku bulela cwana.

Balikani, muteeleze, ka Libizo la Mulena Jesu! Litaba ze liinzi fa ngandaleza hahulu kuli mupalelwa ku Li lumela. Li bonahala hande luli kuli mutokwe ku Li bona. Kaniti mwa kona kubona Cwalo! Kaniti lifasi la kona ku Li bona! Kono fela ki zamina...

Musike mwa susumezwa ka lipina za mibinelo yeminca ye ni lika ze banani kacenu; Hanina taba kuli ki baana babande cwani, mo ba bezi baba sephala. “Haiba nji ha ba buleli kuya ka mulao ni bapolofita,” Bibebe ibulezi kuli, “hakuna Bupilo ku bona.” Mwabona?

¹⁸⁰ Davida na hupuzi kuli mwendi na kondisize. Na sephahalile. Baprisita bani neba hupula kuli ne ba kondisize. Ne ba sephahalile. Kono ne ba palezwi fela ku buza Mulena ka zona. Mi ne ba ka li eza cwani? Mwendi ne ba ize kuli, “Lu lapezi katata.” Kono yani ne si nzila ya Mulimu ya kueza ka yona. Na sepisize kuli Hana kueza sika konji pili A si patulule kwa batanga ba Hae bapolofita. Mi ne ku yemi Natanaele mwahala bona, mi ne ba si ka mu buza ni hanyinyani.

¹⁸¹ Cwale mubale likauhanyo ze tatama zelikani mwa Makolonika mwanji, mi mu ka fumana taba yateni. Fani Davida hana inzi mwa ndu, mi ali, “Kana ki swanelo,” mi Natanaele na inzi ni yena, “kuli, na Ni be, ni pile mwa sedare, mi—mi areka ya Mulimu ibe mwatasa litende fande faa?” Mi Natanaele afumana, ku Mulena, sa ku mu bulelala kuli aeze.

¹⁸² Mi na ezize mafosisa, kacwalo Mulimu ali, “Bulelala mutanga Ka Davida kuli Na mu lata. Ni mu ezize libizo sina baana babatuna mwa lifasi, kono Ha ni koni ku mu tuhelela kuli aeze cwalo,” mwabona, “u Ni palezwi. Mwabona, Ha ni koni ku mu tuhelela kuli aeze cwalo. Ni ka tisa muuna yomuñwi, mwana hae wa mushimani, ki yena ya ka kakula ndu ya Mulimu.” Mi yani neli Davida, ka niti. Ili yani, Solomoni na tilo i swanisissa, kono niteni a palelwa. Mutu kaufela una ni ku palelwa. Mutu wa nama kaufela una ni ku palelwa.

Mulimu ki yena fela Anosi ya si ke ku palelwa. Hakoni ku palelwa. Yani kona taba iliñwi yeo Mulimu hakoni kueza, ki ku palelwa. Mi Mulimu ki Linzwi. Mi ni Linzwi, hakuna taba kamba li bonahala cwani li ka taha ka nzila yeñwi ye, li ka taha ona cwalo fela Linzwi mo ne li bulelezi.

¹⁸³ Cwale muhupule, mulukela ku latelela mwaha wa teni, yona nako. Mwabona? Ni mwaha o muli ku ona, nako yateni, mi mueze seo kuli si zibahale, ni kubona kuli ka swanelo ki Niti.

¹⁸⁴ Cwale munge liswanelo ze kaufela, Linzwi kaufela, mifuta kaufela, ni lika, mi mubone fo muinzi. Mu nahane ka hola ye lupila ku yona.

Mutalime kwa buse, kuli alimuñwi ku baba lishumi mwa lifasi sa li bukaufi ni ku wa. Sayansi i bulela cwalo. Ba sweli kutalimafafasi. Lilimo nyana ze fitile, ne bali, “Seli fela mizuzu yemilalu cwale kuli lufite mwahala busihu.” Ikona kuba fela muzuzu, ikona kuba licika ka muzuzu cwale.

Ne ba bulezi kuli, “Halina ku ezahala mwa lusika lwa luna.”

¹⁸⁵ “Za kona ku ezahala mwa mizuzu i ketalizoho.” Mi mulemuhe taba yetatama ya na bulezi, “Myaha ye ketalizoho.” Hani si ka bulela sani cwale. Na bulezi cwalo, mutu wa sayansi. Ba sweli kushimbuluka kututa kuzwa mwa California inge linzinzi. Mwabona? Kihande, zazi la na zwile Lota mwa Sodoma, ona lizazi le li swana lani kwa nela pula mwa lifasi.

Leliñwi la mazazi a Mulimu uka nga Liñusa la luna, mi lu ka zwa fa. Sesiñwi si ka ezahala, luli kaniti, mi, fani Keleke haise iile, Mubili wa Hae, Munyaliwa wa Hae.

¹⁸⁶ Cwale Ni bata ku mi balela Liñolo, mi Ni bata kuli mu Li bale ni na. Ni bata kuli mu apule mwa Deuteronomia 4, ka kukwala. Ni sepa kuli zeñata li se libulezwi, kuli mu utwisise. Deuteronomia 4. Ni ka bala libaka zepeli mwateni mo.

Mi kwa keleke ye, ni kwa matepu, sicaba fa matepu, ni batu baba lu teezeza kwa mawaile mwa libaka zeñwi za naha, Ni bata kuli muiteeleze taba ye hande, mi mu si ke mwa palelwa. Ye kona taba ye Ni . . .

Deuteronomia, kauhanyo ya bu 4. Ni ka bala timana ya 1. Ni bata kubala timana ya 1, mi Ni ka bala timana ya 25 ni ya 26. Mwakona ku yo ibala kaufela yona hamuka fita kwa malapa; kono fela, ka kubuluka nako, kuli luzwe ka nako, kakuli Ni lukela kukuta hape busihu bwa kacenu, haiba Mulena alata. Muteeleze mupolofita yo habulela. Na bile fapila Pata ya Mulimu. Na zibile za na ambola ka zona. Muteeleze.

Cwale ki fo he teezeza, Wena Isilaele, kwa litaelo ni kwa likatulo, ze Ni ku laela, kuli u ye ka zona, kuli u pile, ni ku yo luwa naha yeo MULENA Mulimu wa bo ndataho aku fa. (Sani si swanisisa Mileniamu ya luna.)

Ha u na ku ekeza kwa manzwi e Ni ku laela, kamba nihai ba kuli ku fukuza kwatensi, (“Musike mwa ekeza nto iliñwi ku Ona, mi musike mwa zusa sika sesiñwi ku Ona. Muine, mubulele fela mo Li bulelela!”) kuli mukone kubuluka litaelo za MULENA Mulimu wa mina ze Ni mi laela.

Meto a mina a boni sa ezize MULENA . . . kwa Baale-peori: kwa baana kaufela babane ba latelezi Baale-peori, MULENA Mulimu wa hao uba yundisize kuba zusa mwahala mina. (“Cwale mu sicaba se si kauhani, se si zwa mwa likopano zani.” Mwabona? Mwabona?)

Kono mina babane ba swalelezi ku MULENA Mulimu wa mina, mwa pila mañi ni mañi wa mina lizazi la kacenu.
 (“Ne mu si ka shwa ni kopano ya mina. Mwa pila cwale, mi mu fa Pila Mulimu.”)

Muteeleze, musike mwa latehisa seo. Timana ya bu 25, cwale, ha ba ka ya mwa naha, cwale mutualime sene si ezahalile.

Ni cwale hamuka yo pepa bana, ni bana ba bana ba mina, mi mina... hamuka be mupilile nako yeteletele mwa naha, mi mu i silafaza ili mina (zani kona ze ne ezahalile), mi mu ikezeza... maswaniso a kupanga (sesiñwi fela), kamba se si swana nto isili, mi mueza bumaswe mwa meto a MULENA Mulimu wa mina, ku mu halifisa ka buhali: (Amuteeleze!)

Ni biza mahalimu ni lifasi kuba lipaki ku mina mwa lizazi le, mubone, kuli mu ka yunda kufelelela kuzwa mwa naha, kamba mwa sibaka, mo mu ya mwa buse bwa Jordani ku yo i luwa; mu si ke mwa yo ina mazazi amañata ku yona, kono mu ka bulaiwa kuyundelela.

¹⁸⁷ Yo neli Mushe ya na bulela kwa Isilaele, kasamulaho amano pakiwa ki Mulimu, ka Siita sa Mulilo, mi aziba kuli na pakilwe kuli ki mutanga Mulimu yana ka ba lukulula. Mi ba si ka ya kale mwa naha, ba si ka kena kale, Mushe ali, “Cwale, manzwi o Ni mi bulelezi, Ni biza lihalimu ni lifasi ku ba lipaki fapila mina. Haiba mu ka ekeza nto iliñwi ku Ona, kamba kuzusa Linzwi leliñwi ku Ona, hamuna kupila mwa naha yeo Mulena Mulimu amifa.”

Kacwalo he Ni li, ka Libizo la Jesu Kreste! Musike mwa ekeza sika sesiñwi. Musike mwa zusa, kubeya milelo ya mina ku Lona. Mu bulele fela ze bulezwi fa matapa ao. Mu eze fela ona cwalo sa mi bulelezi Mulena Mulimu kuli mueze. Musike mwa ekeza kwa Teni.

¹⁸⁸ Yena kamita, ubile a buluka sepiso ya Hae ku luna. Sepiso kaufela Ya file, U i bulukile. Kana Akile ami bulelela se ne si ka ezahala, mi kikuli si ezahalile? Ni tisa mahalimu ni lifasi fapila mina kacenu, mwa kangisano. Kana Mulimu akile abulela sika kaufela seo A si ka taleleza ni kueza ona cwalo mwa Na bulelezi kuli Uka eza ku luna? Kikuli A si ka si eza ona cwalo fela ka mwa Na bulelezi kuli Uka si eza? Kubile ona cwalo. Kona kuli Uka zwelapili ku ezanga cwalo. Fela musike mwa ekeza kwa Teni. Musike mwa zusa kwa Teni. Mu Li lumele fela ni ku zamaya ka buikokobezo fapila Mulena Mulimu wa mina, kakuli se lu sutelezi bukaufi ni kukena mwa Naha.

Cwale, hamuna kukuta, hamuna ku kutela mwa mufuta wa bupilo bo hape. Mu ka kuta kakuba libupiwa ze sa shwi. Mu ka kuta, fo ki sibi ha se si felile, fani Satani ha ka tamiwa, mi ka myaha ye eza sikiti mu ka pila mwa lifasi le lona la mi file Mulena Mulimu wa mina. “Kakuli baba ishuwile ba ka yola lifasi.” “Ufilwe mbuyoti ya mamela litaelo za Hae kaufela, kuli

abe ni tukelo ya kukena mwa Munzi.” “Kakuli kwande ku inzi balauli, mahata, mahule, ni linja. Bao habana kukena mwateni.” Kono ki wa baba Liuluzwi fela, ni bani baba zamaya mwa milao ya Hae.

¹⁸⁹ Musike mwa ikungela taba yeñwi yenca. Za fufa kai ni kai, mi ikaba zeñata hahulu kufita ze se tahile. Kono musike mwa ikungela lika zenza ze.

Mulena Mulimu wa mina u mi bulelezi kale sesili Niti. Mulena Mulimu wa mina u mi pakezi kale seo Niti ili sona, ka Linzwi la Hae ni ka Moya wa Hae. “Ha ki ka mata, ha ki ka bundume, kono ka Moya wa Ka.” Mi, Moya, “Mulimu ubata baba Mu lapela mwa Moya ni Niti.” “Linzwi la Hao kona Niti.” Mi Yena kaniti upakile ka swanelo kuli Jesu Kreste ki ya swana maabani, kacenu, ni kuyakuile. U bonisize Lipeu za manzibwana ku mina. U Li patuluzi ku mina, mwa Linzwi. U Li pakile ku mina, ka Moya wa Hae.

¹⁹⁰ Musike mwa be kulika kamba kukalisa kopano. Musike mwa lika kuyaha ku sessiñwi fela.

Kono mupile ka buikokobezo fapila Mulena Mulimu wa mina, kakuli ku bonahala kuli minyako ya kona ku kwaluha ya kukena mwa Naha ya sepiro cwanoñu. Konakuli lu keneñi teñi ka kuopela kwa niti ni nyakalale, fani Munyaliwa ni Munyali wa hae ha ba ka nga sibaka fa Lubona.

¹⁹¹ Mupile ka buikokobezo. Mupile ka lilato. Mulatane yomuñwi ni yomuñwi. Musike mwa ikungela sika mwahala mina. Haiba mubona sika se si kena mwapilu ya mina ka kulwanisa yomuñwi, mu si zuse mwateni kapili ona foo. Musike mwa si tuhelela . . .

Mi Satani uka eza mwa zibela kaufela kuli akene mwahala mina. Mwabona? Musike mwa tuhelela sani kuli si ezahala. Mutu yomuñwi wa lulimi lo lu telela wa kona kutaha mi utolika ku mi kelusa ku Sona. Mu nahana kuli ne ba konile ku kelusa Mushe kuzwa fa pila Pata ya Mulimu, kulo kwa na yemi ni ku iponela Yona? Batili, sha. Batili. Ha lu zu si ku Lona kamba ku ekeza kwa Teni. Mu Li beye fela ona cwalo Mulena mwa bulelezi. Halu lati kopano ifi kaufela. Halu lati kopano ya ku ongaonga kaufela. Halu lati pilu seta kaufela. Halu lati lindwa kaufela. Lu bata Mulimu, mi Yena ki yena Linzwi.

Cwale ha lu inamiseñi toho za luna.

¹⁹² O Mulimu, Ni talima kafa ni kafa ka liito la moyo, Ni lika ku bona se si sweli ku ezahala. Ni bona Linzwi la Hao, ona mo Li bonahalezi, ona mo Li pakezwi; ku kalela koo mwa lilimo ze mashumi amalalu ka zetaalu kwa mulaho, kwanu kwa nuka, so No bulezi. Mi ki se fa, lilimo ze mashumi amalalu ka zetaalu kasamulaho, mi Usweli kueza ona cwalo fela mo No bulelezi. Mi U ezize fela ona mo No bulelezi. Mulena, libe kwahule ni luna za kulika ku Li eza kunyanyifaza kamba kulika ku Li tunafaza;

lu Li beye fela ka mukwa o Li bupile Wena, ku zamaya fela ka buikokobezo ni ku Ku latelela.

¹⁹³ Ba ki bona, Mulena, bao U file mwa bulumiwa, kwanda bani baba lobezi mwa buse bwa naha, mwahala lifasi. Mabita a kwanu abulukile buñata bwa baba libelezi bani, bahalalehi baba fuyozwi. Kono lianzi fela sina mo li bulelezwi, "Luna baba pila mi lu siyala haluna ku laka bani baba lobezi. Tolombita ika lila, ba ba shwile baka zuha pili; mi luka ngelwa hamoho ni bona." Fani kanya ya Mulimu ha ikaba mwa lifasi, ika pata Keleke khawhule ni lifasi. Halina ku I bona nihaiba kuya kwa Yona.

¹⁹⁴ Mulimu Ndate, ubuluke ba mwa mazoho a Hao. Ki ba Hao. Na lapela, Mulimu, kuli lu zamaye ka buikokobezo kamita fapila Hao. Halu zibi kuli ku siyezi nako ye kuma kai. Halu tabeli ku lakaza kuziba butelele bwa nako; ha ki musebezi wa luna. Wani ki musebezi wa Hao. Ha ki tato ya luna kuziba ha U ka taha. Ki tato ya luna, Mulena, kuina baba ikokobelize kufitela U taha, mi lu zamaye ni Wena. Ki tato ya luna kuli Wena u itibahaza ili Wena, hañwi fa ni fa, Ndate, mwahala luna, kuli lu kone kubona kuli lu sa zamaya ni Wena.

¹⁹⁵ Lu swalele kwa libi za luna za kale. Lu zamaise ni ku lu sileleza kwa malaba kaufela a diabulosi, a kwa pili. Lu etelele ni ku lu zamaisa, O Mulimu Ndate. Swalela libi za luna mi u lutuse kuba bana ba Hao. Lu sicaba se si shebile sa batu. Lu baba icambaela fela, ka tutengo twa lifasi le, ka likopano za likeleke.

Lu bona mafelelezo. Mi lu itumela ku Wena ka pono ya meto a moyo ye punyeleza mwa Linzwi la Hao, ya kubona nako ya maungulo, kakuli lika ze kamukana li lukela kutaha kuzwelela kwa licwe tuna lani lelizwa kwa Lihalimu. Lu tuse, Mulena, kuli lu si ke lwaba fa mwa lizazi lani, kono lu yo ya mwa Kubateni kwa Hao, ku fufela mwa mbando ya Hao.

¹⁹⁶ Folisa bakuli ni baba imezwi, Mulena. Lu lapela kuli busihu bwa kacenu Uka lufa sebelezo tuna yani, mi kusike kwaba mutu ni yomukana ya fokola mwahala luna, ka bakeñisa Kubateni kwa Hao, Mulena. Mi lipilu za luna li swalelele ku Wena ka tundamo. Mi lwa ziba, Mulena, kuli masheleñi, libyana, lika za lifasi halina tuso, ki za swalelele fela. Kaufela zona li lukela ku yunda. Misebezi ya luna, libaka za luna, balikani ba luna, lika kaufela lina ni ku yonga. Hakuna taba kamba ki kufuma ko ku cwani, kusheba ko kucwani, kamba ki ku tuuma ko ku cwani kamba ku sa tuuma ka mo lu inezi, zeo kaufela li swanelia ku yunda. Kono kuna ni fela nto iliñwi yeo kubateni kwa luna ku intingile, mi fani ki ku Jesu Kreste. Kacwalo, Mulimu, ha lu beyeni kwatuko lika kaufela ze li za bubeli, mi lu swalelele ku Yena. Mi Yena ki Linzwi. Lumeleza cwalo, Mulena.

¹⁹⁷ Linzwi le li pakilwe la hola! Linzwi le li pakilwe la mazazi a Mushe neli Jesu. Linzwi le li pakilwe la lizazi la Isaya, Elia, Joani, kaufela, neli Jesu. Mi Linzwi le li pakilwe kacenu ki Jesu,

yena ya swana maabani, kacenu, ni kuyakuile. Lu tuse, Mulena, ku lumela sani, kubona sani, ni ku zamaya ku sona. Lwa—lwa kupa ka Libizo la Jesu.

¹⁹⁸ Ka litoho za luna ze inami, Hani zibi haiba kuna ni babañwi mo baba si ka eza kale niti tuna yani ya, kuikonela kaufela... Mwa lumela Cwalo, kono ku lumela fela Sani ha ku si ka likana.

Ni lumela kuli musala ka neli musizana yomunde. Ne ni ziba bo ndatahe, bo mahe. Ni ba zibile fa myaha ye miñatañata. Ba zamaile bupilo bo bu namile. Ni sepa kuli nali musali yomunde, kono sani ne si si ka mueza kuba wa ka. Na si ka ba wa ka kufitela, yena, Ne ni mu amuhezi, na ni amuhezi.

Cwale Jesu ubata ku mi amuhela. Kikuli hamuna ku Mu amuhela ni kuba siemba sa Linzwi la Hae? Haiba nji ha mu si ka eza kale cwalo, ka litoho za mina ze inami, Na sepa...

¹⁹⁹ Hakuna sibaka sa ku bizeza sicaba kwapili kwanu. Hani yo hahulu ku zona, niteñi. Ni sepa kuli Mulimu uka mi potela ona fo mu inzi foo. Mu nanule mazoho a mina, muli, "Muzwale Branham, uni hupule mwa tapelo. Ni bata kueza sani." Mulimu ami fuyole. "Ni..." Mulimu ami fuyole. Mawi, mazoho kai ni kai! "Ni bata kuba cwalo." Mulimu aku fuyole, muzwale. A ku fuyole, muzwale; kaufela mina, mwahali mo. "Ni bata kuba sani." Mulimu afuyole... "Na kaniti ni bata kuba sani. Na—Na si bona."

Kihande, cwale, talima, mulikani, kwa kona kuba sesiñwi se si nyinyani... Haiba ha u sani, konakuli kuba ni sesiñwi so itingile ku sona kwanda sani. Uinzi hahulu bukaufi ku sona, usweli ku talima ku sona. Wa si bona. U si boni hala lilimo, si nze si zamaya ka ku pahama. Wa si bona hasinze si taha si buzwa cwale. Haiba nji sani si talusa lika kaufela ku luna, mi hakuna sesiñwi se si ka inelela kwanda ona Sani, kiñi he cwale hamusike mwa sikululela toho ya mina ku se mu talimile ni ku inelela fela ku Yena? Ili yena, mayendameno a bupilo kaufela, kaufela kuzwa mwa nako ya cwale, ki Yena. Kikuli hamuna kueza cwalo, halunze lu lapela hamoho?

²⁰⁰ Mulimu Yomunde, sina mazoho a baana, basali, bashimani, basizana, mane nihaiba bakutazi, ba nanuzi mazoho abona mwa halimu. Ba—ba bata ku—ku bulela kuli ba bata kutaha ka kuitinga fela ku Mulena Jesu, mi kanti ku bonahala kuli haba koni kueza sani. Kuna ni se si ba hohela kwa neku *le*, neku *lani*. Mwendi ikona kuba kopano, hakulata ki mutu, mwendi ki sibi, mwendi ikona kuba sesiñwi se ba patile mwa lipilu za bona. Ha ni zibi, Mulena. Wena wa ziba. Seo kaufela sili sona, mi ona fa cwale, Mulena, ha U sweli ku biza babañwi... U se ubabizize kale. Ki ba Hao.

Mi ha U nzo ba biza, ha ba tamuluhe ku zani, sibi sani se si ba imeza, sina Bibele ha ibulezi. "Luzwe kwa sibi se si lu imeza sani ka bunolo, kuli lu kone ku mata ka pilutelele takano ye lu

libelezi fapila luna, lu nze lu talimile kwa . . ." Sikamañi, kwa musebezi wa luna, kwa kopano ya luna, kwa katengo ka luna, kwa tukwata kwa mibuso? "Ku Kreste Mukalisi ni Mufezi wa tumelo ye lu nani ku Yena." Eza sani, Ndate, u ezeze luna kacenu, kakuli lwa li kupa ka Libizo la Hae ni kwa kanya ya Hae.

²⁰¹ Cwale ki ba Hao, Mulena. E za ku bona Mo bonela kuli ki swanelo. Eza ku luna Mo bonela kuli ki swanelo. Lu ba Hao. Ka Libizo la Jesu. Amen.

Na Mu lata, Na Mu lata
Kakuli U nilatile pili
Ni ku leka puluso ya ka
Fa kota ya Kalvari.

²⁰² Kana mu libezi sico sa manzibwana? Kana mu libezi kamba bana baiketile, kwande kafo mwa limota, kamba nee? Kikukli mu libezi kaufela za kale, mi mu lemuha se mu sweli ku utwa ka nako ya cwale? Za itahisa fapila mina, zazi ni zazi. Mwabona? Sani ha si be mayendameno a sika kaufela. Mutuhele lika zeñwi kaufela li ye liiconge; li ka yunda, nihakuli cwalo.

Oh, mu zwelepili fela ku Mu latelela! Mwabona? Sina Elisha hana latelezi Elia, ha lu Mu lateleleñi. Kakuli ni luna lu swanezi ku ngelwa mwa halimu, ni luna, zazi leliñwi. Lu boni koloi ya Mulilo yene Mu nanuzi kuzwa mwa libita. Lwa I utwa mwahala luna ona fa cwale. Zazi leliñwi U ka tamulula lipizi kwa macacani. Lu ka pahamma. Kana ha mu Mu lati?

Ni ku leka puluso yaka
Fa kota ya Kalavari.

Oh, kana hamukoni ku itima fela kwa meto mi mu Mu bone inza pahekilwe mwa buse?

Na Mu lata, (ki mañi usili ye Ni lukela kulata?)
Na Mu lata
Kakuli Na ni latile pili
Ni ku leka puluso yaka
Fa kota ya Kalvari.

²⁰³ Nako kaufela ha Ni kutanga kwa hae, yomuñwi uile. Ni kabe ni ile mwa likweli nyana, hani yo kuta, yomuñwi uile. Ni ikutwa hahulu kuswaba ha Ni yo kutanga.

Ka zazi leliñwi, mushimani yo ne Ni keni sikolo ni yena, ne ni shetumuka mwa mukwakwa, ali, "Lumela, Billy."

²⁰⁴ Na mu talima, neli mushimani yomunde yomunyinyani, wa milili ye minsu hande ye kamunezwi kwa mulaho; cwale fa seli ye mi sweu sina litwa. Na yemanga hande inza otolohile; wa mba ye tumukile *cwana*. Se nili, "Lumela, Jim." Na mu talima.

Na to utwa mwa pilu yaka, Na hupula, "Mulimu, mushimani yo ni Na, muuna yani ni Na, lu ze ka butaka hamoho."

Mi, Ni ziba kuli mazazi aka a balilwe. Ni ziba kuli ha i koni kuba nako yetelele nyana. Na talima kafa ni kafa, mi na nahana, “Ki sikamañi se Ni ka eza, Mulena? Ni tuse. Hani lati ku zamaya fa pata Hao. Ni bata kuina bukaufi—bukaufi kwa mulaho wa Hao. Wena u etelele nzila.” Na talima, ni ku nahana, “Myaha ye mashumi aketalizoho ka ye silezi ya kupepwa, oh, mawi, haikoni kuba ku liyeha hahulu!”²⁰⁵

²⁰⁵ Mi Na talima fafasi, kubona mulikana ka yomunde Bill Dauch ali kuina fani, myaha ye mashumi a supa ka yemibeli kamba mashumi a supa ka yemilalu ya kupepwa. Ni talima kafa ni kafa, Ni bona banana ba, ba nahana kuli, “Kihande, Ni ka libelela kufitela Ni ba yomuhulu sina Muzwale Branham, Ni ka nahana cwalo.” Mulatiwa, hakulata hauna ku bona sani. Na kakanya. Mwabona? Kono, mu nahane fela, kambe Muzwale Bill Dauch u sa pila ni kacenu le, na ka pila ku shutana ni batu baba mianda anda baba na ni lilimo za kupepwa ze fifitini, sikisitini cwalo. Ba shwa hola ni hola.

Cwale ki shutano mañi ye liteni kwa myaha yo nani! Ki sikamañi so eza ka hola yo pila ku yona? Ki sikamañi so ezeza Jesu ka nako ye? Mwabona? Oh, Ni bata ku Mu bona. Ni bata ku bona hola ye Ni talimile mi ni bone mibili ya kale ye kaufela ye cincizwe, ku i bona “ha i cinciwa mwa nako nyana, ka ku kobia kwa liito.” Haiba nji sani ha si cwalo, konakuli lu batu baba bukuba hahulu; kuca, kunwa, ni ku tabela, kakuli kamuso mu ka shwa; mwabona, mu swana fela sina folofolo, mushwa ni ku ya kwa masila ku felile. Kono kuna ni ku shwa... moyo o sa shwi opila ku mina, muzwale. Lu se lu utwile ku zwelela kwa Lihalimu. Lu li boni ha li pakiwa. Lu ziba kuli U cwalo, mi ki mufani wa mupuzo ku baba Mu bata ka tokomelo.

Cwale, ma membala ba Mubili wa Kreste, halunze lu opela yani hape, Ni bata kuli muine fela mwa lipula za mina ni ku lumelisa yomuñwi mwa lizoho halunze lu i opela yani hape.

Na... (amulumelise fela muzwale wa mina,
kezel) Na Mu lata
Kakuli... (Richard!)... na
Ni ku leka puluso ya ka
Fa kota ya Kalvari.

²⁰⁶ Kana mwa Mu lata nji? Muli, “Amen.” [Puteho ili, “Amen.”—Mu.] Kana mwa lata Linzwi la Hae nji? Muli, “Amen.” [“Amen!”] Mwa lata mayemo a Hae nji? Muli, “Amen.” [“Amen!”] Kana mwa lata Mubili wa Hae nji? Muli, “Amen!” [“Amen.”] Konakuli, mwa latana yomuñwi ni yomuñwi. Amen! Yani ki niti. “Ka se batu kamukana ba ka ziba kuli mu balutiwa ba Ka, ha mu na ni lilato ku yomuñwi ni yomuñwi.”

Cwale Ni beile mazoho aka fa litaulo ze, haiba nji mu lukela ku li lwala busihu bwa kacenu busika fita kale.

²⁰⁷ Ni ka tokwa kuba ni Muzwale Richard Blair...Mulimu u a labile tapelo ya hae, yena ni muzwale yo fa, ne ba lapela zazi leliñwi, kuli ba kutise mushimani yomunyinyani yo yainzi mwahala luna kacenu, ya pila, ka bakeñisa tumelo ya bona ku Mulimu. Cwale Ni ka tabela kuli yena alu lukulule mwa linzwi la tapelo, mwa mizuzu nyana fela, kuli lu kone kukuta hape busihu bwa kacenu.

Mwendi seli mizuzu ye ketalizoho fela kasamulaho wa twelufu, kuya ka waci yani. Mi Ni bata kuli mutahe hape busihu bwa kacenu, haiba nji mwakona, haiba mu sa li teni. Haiba mu lukela u kaya kwa mandu, Mulimu a mi akufise mwa nzila ya mina, ni ku mi tusa, ni ku mi sileleza. Haiba nji mukona kuina, mi mutabela kuina, mu amuhezwi mwakona kuina. Mulimu abe ni mina cwale.

Kufitela lu kopana! kufitela lu kopana!
 Muta... (halu nanuleñi mazoho aluna ku
 Yena)... lu kopana kwa mautu a Jesu;
 Kufitela lu kopana! kufitela lu kopana!
 Mulimu abe ni mina kufitela lu kopana hape.

[Muzwale Branham ukala kuñuñuna kuli *Mulimu Abe Ni Mina*—Mu.] Yani kona nzila ya ku siya ndu ya Mulimu ka yona, ka tapelo, ka buikokobezo, lu nze lu sepa kuli lu ka kopana hape busihu bwa kacenu. Haiba lu sa kopani, “Mulimu abe ni mina kufitela lu kopana hape!”

Halu inamiseni litoho za luna cwale. Muzwale Blair.



KULIKA KU EZEZA MULIMU SEBELEZO

ISI KA TATO YA MULIMU LOZ65-0718M

(Trying To Do God A Service Without Being The Will Of God)

Liñusa le ka Muzwale William Marrion Branham ne li katalizwe lwa pili mwa Sikuwa la Sunda kakusasana, Sikulu 18, 1965, ili fa Branham Tabernacle mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi ne i hatisizwe ni kuhasanyiwa ki ba Voice Of God Recordings.

LOZI

©2017 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org